

१३५

दर्ता नं.:४८/२०७६/७७

पुर्खा दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दयक तकगु सम्पत्ति, भीगु कला व संस्कृति

स्वयं

नेपाल संवत् १९४४ तछलाथव/२०८१ असार १/२०२४ June / ल्या: १०९, दाँ:६



**जनगणतन्त्र चीनया चियाङ्सी प्रान्तया
यिछुन नगरया प्रतिनिधिमण्डल
स्वयं नगरपालिकाय**

स्वप इन्जिनियरिङ् कलेजय् छात्रवृत्ति इडः बिल

(२०८१ जेठ २५ गते)



आ.व. २०८१/८२ या नीति व ज्याइवः व बजेटया निंतिं महिला
प्रतिनिधि नपां छलफल (२०८१ जेठ २३ गते)



; DkfbSlo

@*! c; f/ !, c^a\$!#%, jif{^

नेपालय्सं ब्वनामिपुं ब्वंकय्गु नीति ह्यमः

नेपालय राजनैतिक स्थायित्व मरूगुलिं कलेजय् ब्वनिपुं ब्वनामिपुं प्याहाँ वानिगु ल्या म्हुवः याय् मफूत । हिंन्यगू तगिंतक नेपालय ब्वनय्गु, च्वय्या शिक्षा विदेशय् ब्वनय्गु मति तःपू यक्व ब्वनामिपुं दः । गुलिं ब्वनामिपुं कलेजय् ब्वं ब्वं भिसा लातकिं दथ्वी हे कलेज त्वःत विदेशय् वानिगु । थुकीं नेपः या गुलिं कलेजत तिडः छ्वय् मालसा गुलिं कलेजय् ब्वनिपुं मदयो तिय माल ।

नेपालय् च्वय थ्यंक ब्वंसां ज्या मरूगु, कलेजं इलय् हे जाँच काय् मफयो ता ई विक ब्यूगु, मः काथंया तलब मरूगु थजगु समस्या थाना दः । नेपःया सरकार पिनय् वानिपुं ब्वनामिपुं पानय्गु स्वयो भन अःपुक वियगु ज्या याडः च्वना । विदेशय् ब्वं वापुं अपलं ल्याहाँ मवः । गुम्हां ल्याहाँ वः सां थाना ज्या मदयो निराश जुयो उखें तुं ल्याहाँ वाडः च्वंगु दः ।

अः जापान, क्यानाडा, अष्ट्रेलिया, बेलायत, सं.रा. अमेरिका ब्वनामिपिसं ल्ययो, यःक च्वंगु देशत खः । आना ब्वनय् धुनय्दं मन लुदांक तलब सुविधा नपां ज्या विडगु धाय्गु ब्वनामिपिनिगु मति खः । अः या आ. व. या च्याला दुनय् साउन निसें फागुन तक खय् एन.ओ.सी. कःपुं मध्ये जापानया लागि ३३.१, क्यानाडाया लागि १८.१, अस्ट्रेलियाया लागि १४.४, बेलायतया लागि १०.३ व अमेरिकाया लागि ७.५ प्रतिशत दः धाय्गु जेठ ३१ गतेया कान्तिपुर न्हिपौ खय् च्वयो तःगु दः ।

विदेशय वापुं ब्वनामिपिसं चालु आ.व. या गुलाया दुनय् ९५ अर्ब ८५ करोड तका क्वतिया विदेशी मुद्रा प्याहाँ वांगु दः । नेपःया लाखौं ल्यासे ल्याम्हो पुं ज्या मालय्गु नामय् विदेशय् वापिसं छ्वयो हःगु रेमित्यान्स शिक्षाया लागि दाच्छिया छगू खर्ब स्वयो अपः प्याहाँ वांगु दुःखया खाँ खः ।

वांगु आ.व. खय् विदेशय ब्वनय्ता पिनय् वापुं ब्वनामिपुं भारतय् बाहेकं १ लाख १० हजार २१७ म्हा दः । व ब्वनामिपुं पाखं दाच्छिया १ खर्ब ४२ अर्ब क्वतिया विदेशी मुद्रा प्याहाँ वांगु दः । नेपालय् विदेशी मुद्रा द्रुहं वैगु छगू जक लुखा धाय्गु रेमितेन्स खः ।

वांगू हिलाखय् नेपालय १२ खर्ब रेमितेन्स द्रुहं वगु खाँ जेठया राजधानी न्हि पौ खय् च्वता । वांगु दायँ जक ज्या मः वानय्गु इवलय् नेपालं जक च्यागू लाखम्हा स्वयो अपः ल्यासे ल्याम्होपुं विदेशय् वाना । विदेशया नितिं थःगु देशया ल्यासे ल्याम्होपुं दांपुं ज्यामि याडः छ्वयो देश गुब्लें हज्याइ मखु, च्वजाइ मखु ।

नेपःया उद्योग धन्दात फुक्क धाय्थें हे तिडः तःगु जुल । गुलिं चाय्कः च्वंगु नं निजी उद्योगत जक दः । देशय् छुं नं पिनय् छ्वय्गु वस्तुत दय्क च्वंगु मरु । ब्यापार घाटा न्हिया न्हिथं अप्वयो वांगु दः । वांगु हिलाखय् हिंन्यगू अरबया ब्यापार घाटा दः । नेपःया लाखौं ल्यासे ल्याम्होपिसं हिचःति हाय्क कमेयाडः छ्वयो हःगु ज्यालां (रेमितेन्सं) याडः नेपःया अर्थतन्त्र चलय् जुयो च्वंगु खः । देया तःमि व बल्लाकय्गु (सम्पन्न व समृद्ध) धाय्गु खाँ जक ल्हाडः सरकारय् वापुं शासक दलतय्सं देशय् ल्यासे ल्याम्होपिन्ता ज्या बियो ल्यंकः तय्गु छुं नं योजना हःगु मरु । अलय् हय्गु मति नं मतः । शासक दलयाय्पुं सत्ताय प्यपुडः च्वनय्गु राजनीति जक याडः देया अर्थतन्त्र धू धू मधू जुय धुंकल । उकिं अः देशय् ल्यासे ल्याम्होपुं थानासं तय्गु नीति ह्यता लिपा लाक-च्वनय् मजिल ।

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वज्, थाकू- भक्तपुर अफसेट प्रिन्टर्स फोन ल्याः ०१-६६१३०४३, इ-मेल- khwopapau@gmail.com



का.रोहितया चीन भ्रमण

- नारायणमान बिजुवर्द्धे

थाय्व व पसः नं चाय्कः तःगु दः ।
तौन च्यू देगः श्व थाय् बौद्धमार्गी
तयगु तीर्थ स्थल खः । थुगुदेगःस्वंगः देगः,
स्वब्ब थयो तःगु थाय् खः । न्हपां सन् ३३०
य् न्हपायाय्पुं चीन वंशया शिन हो या पालय्
दयकगु खः । उकिया नां 'फान चिन यान'
खः गुकिया अर्थ बौद्ध सूत्रया भाय हिलिगु
संस्था ।

दथुया देगः शँग वंश (५९७ सन)
या काइ हाङ्गया पालाय् दयकगु खः ।
चेनयु देगः या नां फाहशी देगः
खः । गूगु लिता तेनचु खान चिनयान जक
धाई । उकिया अर्थ खः बौद्ध सूत्रया संस्था ।
श्व चिङ्ग वंशया (८५१-९३२ सन्) चिङ्ग
लुङ्गया पालाय् 'बौद्ध अधिराज्य' या नामं
लोकं हवा । वहे नामे छगः देगः दयकला ।
थाना थी थी देशं बौद्ध धर्मालम्बीत चाह्यु
वैगु । श्व हे खौं दःगु थाना छपा लोहें पौ नं
दः । थाना नं चिच्या चिच्या जःगु पहाडत
व छहरा (भुवाला) त नं खानय् दः।

वनलिं जिपुं संध्या बादल गुफा
धाइगु धःसा न्ह्याब्लें खसुं भुंगु थायथे खसुं
दाँवयो च्वनिगु व बां बां लागू किया कियो
तःगु थाय् स्वः वाडा । थुई इह जस या
मतलव खः म्यें हालच्वनिगु गुफा, गना
न्ह्याब्लें नाः क्वहं वयो च्वंगु सःवयो च्वनिगु ।
खुगः ल्वहँया गुफा गना शाक्यमूनि कियो
तःगु, खुगू थी थी गुफा त नं स्वःवाडा ।
थुकाथं जिमिसं छन्हू न्हिच्छि हाङ्गु चाउया
ऐतिहासिक देगःत अलय् स्वय हायपुगु थाय्त
स्वः वाडा ।

वेष्ट लेन कम्पूनः न्हिच्छि पुलां
पुलांगु देगःत व थाय् स्वय धुंकःबहनी थाय्
वेष्ट लेन कम्पून स्वः वाडा । वेष्टलेन
कम्पूनया छपुचः उत्पादक दल ड्रगन बेल
गामय् ला । थुगु नागया ब्वडः गांया
उत्पादक दलय् १२२ खा छौंख्य ५२६ म्हा
जक ल्यासे ल्याम्हो पुं मन्त दता । उकि

मध्ये २०२ म्हा जःपःपुं पूर्ण व अर्ध श्रम
शक्ति दः । श्रम शक्ति धायबलय् ज्या सानय्
फःपुं मनु खः। थुगु पुचःलं विशेष याडः
लुङ्ग, चिङ्ग चिया उत्पादन याई ४५०
माऊ चिया बगैचा दः । थुगु उत्पादन दलय्
छगू मंकः (सामूहिक) भान्छाघर (भूथु), छगू
मचात स्वङ्गु शिशुशाला, छगू मचाक्यवः,
स्वास्थ्य केन्द्र, पसः, छगू नेगु पशु फारम,
चिया कारखाना, ब्वनय्कुथित दः ।

थुगु दलं विस्तार हज्याडः वाडः
च्वंगु दः । क्रान्ति हाँ न्हपा थुगु गामय छगू
माऊ बुई २० किलो ग्राम चिया सयकी सा
सन् १९५८ तक खय् छगू माउ खय् १५२
क्याटिज चिया सयकी । 'लामो कुदाई' या
आन्दोलनं याडः १९५९ खय् ३०० क्याटिज
सयकला ।

जिमिता लसकुस, दलया छम्हा
ल्याम्होम्हा नायकं यागु जुल । जिमिसं थुगु
उत्पादक दलया कारखाना, मचा क्यवः,
शिशुशाला, बुँ थी थी थासय् स्वःवाडा ।
अलय् अपलं ख्युं यो वसेलिं जिपुं आरामया
निंतिं होटलय् वाडा ।

रेशम कारखाना: २१ जुलाई सुथाय्
सिया ८:३० ता इलय जिपुं टेक्सटाइल
अथेधाय् रेशमया काप कारखानाय् स्वः
वाडा । जिमिता कारखानाया छम्हा
अधिकारी लसकुस याता ।

थुगु रेशमी काप कारखाना (शिल्क
टेक्सटाइल मिल) या नां तु चिंसँग खः । थुगु
कारखानाया मू काप पिकाइगु थाइगु शिल्क
फाब्रिक खः । गुगु ५०,००० वर्ग मिटर
उत्पादन याइगु खः । कारखानाय् स्वयगु
तां (लुम) दः। व स्वयगु तां त स्वंगु दलय्
ब्व थयो तःगु दः । अलय चिच्छिन्हिन्ही
ज्या न्ह्याकः च्वनि ।

थुगु कारखाना १९९२ खय् निःस्वांगु
खः । उगु इलय हिन्हयजू तां व पीन्यम्हा
ज्यासानिपुं दकदता । उगु इलय साम्राज्यवाद,

नौ खहरे हिंच्यापु हितिः ड्रगन
वेल (नागया ब्वडचा) या दक्षिणी खौंचय्
लागु नौ खहरे हिंच्यापु हिति खः । नागया
ब्वड छगू स्वय हायपुगु थाय् खः । श्व
पहाडी थाय् लुङ्ग चिङ्ग वाउंगु चियाया
लागिं लोकं हवा । लुङ्ग चिङ्ग देगः गुकिता
शेङ्ग शो यान नं धाई । अकिया १००० दा
पुलांगु इतिहास दः । थुकिया नां चलय जूगु
मिंग वंश (१४३६-१४४९ ई.सं.) या चेङ्ग
तुङ्गया पालाय् खः । थुगु नाग ब्वडता
लुङ्ग छुङ्ग या नाः छौं नं धः । श्व थासय्
न्हपा वः मवयो सुख्खा जूसा मन्त नाः फ्वे
वैगु अलय् वः वै धाय्गु जनविश्वास व
किम्बदन्ती नं दः । थुकी भीगु देशय् नाः
फ्वे वैगु 'हर हर महादेव' याता लुमांकय्
विई । थाना भीथाय् नं जङ्गलया बासी व
नाग पुखुली नाः फ्वे वानय्गु चलन दः ।

श्वहे नाग ब्वड्या दक्षिण पाखय्या
खौंचय् नौ खहरे १८ पु हिति ला । उगु गुपु
खहरे (खुसिचा) व १८ पू हितिया नाः चेताङ्ग
खुसी ब वाड छपु जुवानि । थुगु खुसिचाय्गु
नाः तस्कं यचुसे च्वं । खुसिचा व हितिया
कलकल व भरभर सलं अजगु शितल,
वाउंसे च्वंगु थासय् गुलि हायपुइ धाय्गु
भीसं मति तय् फः । धात्थे उगु हायपुगु
थासय् तस्कं हे आनन्द व । थुगु थासय्
अपलं मन्त अलय् बां बांलापुं ल्यासे ल्याम्हो
पुं चाह्यु वैगु थाय् खः । विदाया इलय बैगु
अलय् फूर्सदय चाह्यु वैगु थाय काथं थुकिता
छ्यल च्वंगु धाय् फःथाना आराम याय्गु

सच्छिव स्वीडागुगु स्वप पौ. ब.छि पौ(पाक्षिक)

पूँजीवाद वा च्याङ्ग काई शेक प्रतिक्रियावादी शासकतयसं कारखाना बांलाक चल्य याय मफः । साम्राज्यवादीत कारखाना बांलाइ दक ग्याङ्गु सा पूँजीपतित अपलं लबः नय्गु जक स्वङ्गु गुकिं कारखाना बांलाक हज्याय् मफः । हकनं उब्ले फुक्क कारखानात लाहा तं थाडः हे कापः पिकाङ्गु । रेशमया का पिकायगुलि-चीनया दृछिदा स्वयो ताः हाकगु इतिहास दः । उगु इलय् रेशम काप पिकाय् गुलि चीन हलिमय नां जः ।

१९४९ या क्रान्तिलिपा कारखाना छत्थं हे तस्कं बांलाक हज्यात । कम्यूनिष्ट पार्टीया न्ह्यलुवा व जनसरकारया कृतलं कारखाना मति मतया काथं हज्यात धायोदिसें कारखानाया प्रमुखं वा थुगु उपलब्धीत काँकां भाल । १९५२ तकखय् कारखाना या उत्पादन ३.३ गुणा अप्च पिकाल । १९४९ य् हे अथेधाय् क्रान्तिया लिया हे धेबाया ल्याखं उत्पादन (५.०३) डादुगं स्वयो अपः जुल । क्रान्तिलिया मजदूर पिसं ज्या सानिगुलि न्हँ न्हँगु प्रविधित व्यवहारय् छ्यलय् हल नपां कारखानाता बच्छी अथे हे चलय जुङ्गु व विद्युतीकरण (विद्युतं चलय जुङ्गु) थाय्गु कुतः यायां उत्पादनय् खुदुगं अप्चः पिकाल । सन् १९५८ या 'लामो कुदाई' लिपा उत्पादन १९५७ स्वयो बच्छी मयाकं व मूया ल्याखं ६६ प्रतिशत अपः यात । 'लामो कुदाई' खय् ब्वति कायो १९५९ खय् मजदूर तयसं कारखानाय् सुधार ह्यता १९९४ गू सुभावा त पिब्वता। गुकि १९४ गू स्वीकार याडः छ्यला । एक लाख २० हजार युआनया लाय (पूँजी) ताडः एक लाख तीस हजारया उत्पादन अःप पिकाला ।

क्रान्तिलिपा हँ न्हँगु मेशिनत छ्यलः लाय ताडः यासेलिं थुगु दायँ १९६० या राष्ट्रिय तातुना नेला हँ हे पू वाना । नपां प्राविधिक क्रान्ति अपःकाप पिकाय्गु नपां बल्लाक, भिंक यंकय्गुलि नं तःलाता । विकास नपां कापया व्याखय् नं हज्याक यंकला । न्हापा २.२ मिटर जक ब्या दैगुलि अः ३.५ मिटर ब्या पिकाला । न्हापा नेगूप्यंगू रङ्गया जक काप पिकाङ्गुलि अः ३० गू रङ्गया काप पिकाला ।

क्रान्तिहाँ थुगु कारखानं १०० ता जिया जक माल सामानत पिकाङ्गु । उकि टेविलपोश काप, रेशमी चित्रत, कलात्मक वस्तुत, फ्वडा खोल, तन्ना अजगु कापत जक अःधःसा टेबिल पोश, तन्ना, फोडा खोलत, हलिमयया नां जपुं व्यक्तित्व पिनिगु किपां जःगु, राजनैतिक, आर्थिक, सांस्कृतिक व हलिमयया थी थी थाय व विषयया बां बां लागू किपात याडः मुक्कं दृछिगु स्वयो अपः ता जिया कापत पिकाङ्गु ।

मजदूर तय्गु जीवनया खाँ काडः दिसें अधिकारी जुं धायोदिल- क्रान्तिलिपा मजदूर तय्गु जीवनय् अपलं ह्यूपा वगु दः । १९५४ खय् मजदूर पिन्ता बिरामी जुसा धेबा म्वायक निःशुल्क उपचार व भत्ता, रिटायर्ड (अवकास) जुयवं मःछि भत्ता व सुरक्षायया ग्यारेण्टी (पक्का) यागु दः । नपां ज्याला अपः ब्यूगु नपाँ ज्या सानगु ई नं म्हवचा याडः ब्यूगु दः । अजगु सहूलियतत ब्यूसेलिं ज्या सानिपिसं नं मन क्वसायक ज्या नं अपः सानय्गु मति तयो हज्याता फुक्कसिया छंगुं तुं भुथु (सामूहिक भान्छा घर), च्वनय्गु छँ, शिशुशाला, मचाक्यबः क्लिनिक, आराम गृह थजगु सहूलियत नं ब्यूगु जुल ।

थुगु कारखानाय् अःमुक्कं ज्यासानिपुं ज्यामित १७७० म्हा दःगुलिं ३७ प्रतिशत मिसात दः । क्रान्ति लिपा थुगु कारखानाया मजदूरपिनिगु सांस्कृतिक स्तरनं अपलं च्व जाल । बाचनालय व साफू कुथिया नं बांलागु व्यवस्था दः । मजदूर पिनिगु मनोरञ्जनया लागिं नाटक दल (प्याखं पुचः), सकिपा पुचःतयसं नं बरोबर ज्याभ्वःत पिब्वई । थुगु कारखानाय् अवकासकालीन स्कूल (फूसतय् ब्वनिगु स्कूल) नं दः ।

थःगु कारखाना (ज्यासः) या ख्यंगु पक्षता नं धात्थेगु खाँ काडः जिमिगु न्ह्यसः या लिसः अधिकारी जुं बियो दिसे - धात्थे खः कि थुगु कारखानाय् छुं भाति पुलांगु मगाः मचः नं दःनि गुकिता जिमिसं ल्हवडः मदय्क यंकय फँ । जिमिकय् अःनं गुलिं कलपूर्जा व मेसिनत पुलांगु हे तिति उकिं

जक देया मागत फुक्क पुवांकय् फँ मखु । जिमिगु तातुना फुक्क मेसिनत व कलपूर्जात बच्छी थमनं हे चलय जुङ्गु याय्गु खः । अलय अः याय मधुनि अथे नं अपलं मेसिनत बच्छी थमनं हे चलय जुङ्गु अवस्थाय् ह्य धुन । उकीं हे सामान नं अपः पिकाय फःगु खः ।

खाँ ल्हाय धुंकः जिपुं कारखाना स्वःवाडा । डिजाइन (बोटा) दय्किगु, थाङ्गु, थी थी कारखानाया थायत स्वया । धात्थे अपलं मेसिनत अर्ध सञ्चालित उब्लय छगू नेगू जक लाहातं साडः च्वना । ज्यासलय् भौतिक अवस्था ज्या सानिगु थायत बांला, स्वस्थकार जू । कलपूर्जात करकर याडः देश विदेशया बांबांलागु लू त नपां हलिमयया नां जःपुं नेता त, च्वमि, कवि, कलाकारत, थी थी चिजबिजत व बां बां लागू रेशमया कापत थाडः च्वंगु बाना तैपुं बाना (बुट्टा) तय्गुलि क्वथ्यू, मेगु क्वथाय् टेबुल पोष्टय् गुलाफ स्वं धात्थे ह्वयो च्वंगु थें हे रेशमया टेबुल पोष्ट, तापाक्क स्वय बलय् धात्थे हे गुलाफ स्वं थें च्वंगु, नास्वा मरगु । धन्य कलाकार या कला । थी थी बांबांलागु बुट्टा दःगु रेशमया काप थाडः च्वना । क्रेमलिन, पेकिङ्ग, लेनिनग्राड व शांघाइ, स्तालिन ग्राड व क्यान्टन, काला सागर व सुचागु थीथी हलिमयया तस्कं बांबांलागु थाय्या लू दःगु, मार्क्स निसें माओ व प्याट्रिश लुमुम्बा निसें क्यास्ट्रोतक या रंगी विरंगी रेशमी किपा त नं आना दः । अःतक जिमिसं स्वयागु कारखानात मध्ये थ्व चिच्याहांगु जुसां ज्यामितयता विङ्गु सहूलियत म्हवँ मजु ।

कारखानाया छक्क क्वथाय छपा रेशमया तःपागु किपा तयो तःगु दः अध्यक्ष माओया । थुगुकिया हाक ६ फिट व व्या ४ फिटया दः। ३६ गू ताजिया रंग दःगु थुगु किपां नुवाइला धाय्थे च्व ।

कारखाना चाहिलय धुंक 'द्वहँ व पिनिगु खाँ च्वङ्गु कापीइ' (आगन्तुक पुस्तिका) थःता लागु लिच्चःचव्य धुंक नुगलय छपा जुङ्क ल्याहाँ वया अधिकारी जू याता सुभाय देछायो ।

शिक्षाखय् म्हवचा बजेट : अनिवार्य व

निःशुल्क शिक्षाता हेपेयागु :

विवेक

हिंन्यगू तगिंतक धेबा पुलय म्वायकः निःशुल्क शिक्षा वियगु प्रावधान छ्यलयता शिक्षाखय् बजेट अप्व छखय् लिइके मःगु लिइके मःगुलि भन म्हवचा यागु संविधानया भावनाया अखः ख । शिक्षाया नितिं देया मुक्कं बजेटया २४ प्रतिशत छखय् लिइकेता सरकारया ध्यानाकर्षण याडः चवडा ।

जेठ १८ व १९ गते क्व चःगु नेपाल मजदुर किसान पार्टीया केन्द्रीय समितिया बैठकं शिक्षा सम्बन्ध पारित प्रस्तावया थव छव्व खः । थव आ.व. २०८१/८२ या बजेटया खायँ छलफल जुयो च्वंगु इलय् पार्टी केन्द्रीय समितिया बैठकं थी थी राष्ट्रिय व अन्तरराष्ट्रिय प्रस्तावत नपां शिक्षाता हदाय तयो च्वयया प्रस्ताव नं पारित यागु खः ।

छुं नं राजनैतिक दलं निर्वाचनया इलय जनताता ब्यगू बचं पू वांकयता सरकारय वानिगु खः । निर्वाचन घोषणापत्र पिब्वयो ब्यगू बचं बजेट पाखं पू वाकिगु जनतां नं आशा याइगु हे जुल । दायँ दायँ पतिकया बजेटता जनतां वहे मिखालं स्वइगु हे जुल । भ्नीपुं शासक दलत धःसा जनताया जिम्मेवारी पटक्क हे जुगू मरु । अपुं सरकारय वानकीं थःगु घोषणा-पत्र लुमांक छवइगु । देनं देनं लाला काय्थें सस्तो लोकप्रियता काय्ता छगू नेगू ज्या इवःत हछ्याई । अलय थः यन्थें ज्या याई । गुकीं शासक दलता जनतां विश्वास मयाडः हल ।

आ.ब. २०८१/८२ या लागिं अर्थमन्त्री वर्षामान पुन जुं जेठ १५ गते १८ खर्ब ६० अर्ब ३० करोड तकाया बजेट

पिब्वता । शिक्षाया लागिं धायो २ खर्ब ३ अर्ब ६६ करोड तका अथे धायगु मुक्क बजेटया १०.९ प्रतिशत छखय् लिइकला । उकिमध्ये न्हिनय् सिया बजी (दिवा खाजा) या नामय ८ अर्ब ३ करोड, राष्ट्रपति शैक्षिक सुधार कार्यक्रमय् ८७ करोड, अपाङ्ग मैत्री विद्यालय कक्षा क्वथा दय्के बियता ५० करोड, प्राविधिक शिक्षा खय् १ अर्ब ५९ करोड अलय उच्चशिक्षा पाखय् २१ अर्ब ४५ करोड च्वयो तःगु दः । शिक्षाखय् चालु वर्ष स्वयो १.१५ प्रतिशत म्हवचा धेबाजक छखय् लिइकगु दः। चालु वर्षया लागिं मुक्कं बजेटया ११.२६ प्रतिशत बजेट छखय् लिइकगु दः मुक्क बजेट या २० प्रतिशत बजेट शिक्षाखय् खर्च याय् मःगु अन्तरराष्ट्रिय मान्यता दः । अथेनं छुं दाँ हाँ छगू संस्थां यागु सर्वेक्षण या मुक्कं बजेटया २४ प्रतिशत बजेट शिक्षाखय् खर्च याय् फःसा फुक्क शिक्षा निःशुल्क याय फैगु धायो तःगु दः । अलय नेपालय् धःसा दायँ दायँ पतिक शिक्षाखय् बजेट म्हवचा यायां यंकगु दः ।

शिक्षामन्त्री सुमना श्रेष्ठ राष्ट्रिय स्वतन्त्र पार्टीया नेतृ खः । वयागु चुनावी वाचापत्रखय च्यागू तगिं तकया ब्वनामिपिन्ता विश्व स्वास्थ्य संगठनया मापदण्ड काथं पौष्टिक खाना बियगु खाँ न्हि थाड तःगु दः । रास्वपा उप प्रधानमन्त्री नपां गृहमन्त्री नपां कायो सरकारय च्वडः च्वंगु दः । उगु पार्टीया वाचापत्रखय च्यागू तगितकता न्हिनयसिया बजी बियगु खाँ न्हिथाडः तः सां बजेटय् धःसा छगू तगिं निसे डागू तगिं तकया ३० लाख बालबालिकापिन्ता दिवा खाजाया व्यवस्था

यायगु जक धायो तला थवन्हा यायगु वर्ष स्वयो २ लाखम्हासित म्हवचा यागु खः । चालु वर्ष बजेटय् ३२ लाख ब्वनामिपिन्ता दिवाखाजाया व्यवस्था याडः तःगु खः । वांगु दायतक खुगू तगिया ब्वनामिपिन्ता दिवा खाजाया व्यवस्था याडः तःगु दः । छम्हा ब्वनामिता हिंडार्का धेबा खाजा खर्च बियो थापाच थिकयगु इलय विश्व खाद्य संगठनया मापदण्डकाथं ब्वनामिपिसं गजगु खाजा नय खानी ? शिक्षामन्त्री ता थव जनताया न्हयस खः ।

श्रेष्ठ शिक्षामन्त्री जुय धुंक वं पूर्व शिक्षामन्त्री पिसंथें- 'राष्ट्रपति शैक्षिक सुधार' या नामय थःयन्थें थःता काथं छिं थें धेबा खर्च यागु खाँ काडः उकिता खारेज यायगु धःगु खः । व बांलागु खाँ नं खः । अथेनं थुगुसीया बजेटय् उकिता अर्थेत्तुं तयो तः सेलिं रास्वपा व मन्त्री श्रेष्ठ 'वहे थालाया थवँ ऐला खः' धायगु सावित जुल ।

माओवादी हिंदा हाँ २०७० सालया संविधानसभा निर्वाचन घोषणापत्रय हे च्यागू तगितक अनिवार्य व हिंन्यगू तगिं तक फुक्क सिता निःशुल्क शिक्षा वियगु 'प्रतिवद्धता पौ' खय् न्हिथांगु खः । नेपः या संविधानया मौलिक हकखय् आधारभूत शिक्षा अनिवार्य व मा.वि. शिक्षा निःशुल्क व्यवस्था दः । माओवादी तःक हे सरकारया न्हयलुवा जुय धुंकल अःनं सरकारया न्हयलुवा जुयो च्वंगु दः । शिक्षाखय् न्हा स्वयो छुं भाति हे हयूपा हैगु ज्या इवः त मरु । सामुदायिक व संस्थागत (निजी) ब्वनय्कुथित अर्थेत्तुं दःनि । सामुदायिकयजक निःशुल्क अलय निजी ब्वनय्कुथि चाय्कः शुल्क कायगु संविधानया अखः जुई । उकिता कानून

सच्छिव स्वीडागूगु खवप पौ. बःछि पौ(पाक्षिक)

दय्क पानय्गु खायँ बजेट म्हुतुप्व तिडः च्वंगु दः । सरकारं शिक्षाखय् बजेट म्हुवचा याडःयंकेगु अनिवार्य व निःशुल्क शिक्षा याय् धःगु याता हेपे यागु जक खः ।

माओवादीं थं स्वयो हिदा हाँ हे मुक्कं बजेटया २० प्रतिशत बजेट शिक्षाता छखय् लिङ्केगु बचं ब्यगु खः । अन्तरराष्ट्रिय मान्यता नं थव हे खः । सरकारं थुकिता न्हयपं सिलिंचाहे म्थवक । प्रचण्डया जहान, सीता दाहाल मेमोरियल कलेज चाय्केगु निसें उदयपुर, मोरङ, पर्सा व चितवनय् मेडिकल कलेजत चाय्केगु तक बजेटय् न्हि थाडः तःगु दः । कलेज चाय्केगु बाँमलागु खाँ मखु अलय् बजेट म्हुवचा तयो ज्या इवः तः अप्वः क्यडः अः चाय्क तःगु विद्यालय शिक्षा व उच्चशिक्षा बांलाक गथे यंकय् फै ? नेपःया उच्च शिक्षाता विश्वास मयागुलिं हे अः हिंन्यगु तगिं नेपालय ब्वनय्गु व उच्चशिक्षा विदेशय ब्वनय्गु यागु ल्याखं क्यं । उकिता पानयता सरकार बजेट पाखं भिंगु, बांलागु शिक्षा बियगु सुनिश्चितता बियमःगु खः । थुगुसी जक ब्वनामिपुं मदयो डासगु स्वयो अपः कलेजत तियमःगु अवस्था वल । देशया कलेजत तिय माय्क ब्वनामिपुं विदेशय वानय् माय्कगु व लाहातय् ज्या बिय मफूगुया दोष शासक दलतय्सं कुबिय मः ।

प्राविधिक व व्यावहारिक शिक्षाखय पाठ्यक्रम दयकेगु ज्या इवः नं घोषणा नीति व ज्या इवःखय् न्हिथाड तःगु दः । अथेनं अलय अः चाय्कः तःगु प्राविधिक शिक्षाया खायँ सरकार बेखबर थें खः । सिटिडिभिटीं धमाधम प्राविधिक शिक्षाया स्वीकृत बियो च्वंगु दः । उकिया संभाव्यता अध्ययन मयासैं स्वीकृत ब्यगुलिं गुणास्तरीय जनशक्ति ब्वलांकय मफूगु जक मखु अपलं शिक्षालयत ब्वनामिपुं मदयो तिय मालिगु अवस्था वल । ब्वनामि पिसं यःकगु विषयत धःसा सीटिडिभिटीं थी थी बहाना तयो स्वीकृति मब्यूसैं लिफिलिफी

याडः च्वना ।

खवप नगरपालिकां फार्मैसी, रेडियोलोजि, एचएल थजगु विषय व्वकिगु कलेज चाय्केता तदा हाँ निसैं कुतः याडः च्वना । वांगु दायँ हे अनुगमन शुल्क छगू विषयया छगू लाख ल्याखं प्यंगू लाख तका दां पुलय् धुंकगु खः । अथेनं थी थी त्वहः तयो लिपा लाकः तःगु दः । निजी संस्थातयता धःसा स्वीकृत बियो च्वंगु दः । च्वयया पदय् थःगु जक स्वार्थ पदाधिकारीपुं दः तलय् शिक्षा हचिङ्के फै मखु ।

बजेटय न्हूंगु विश्व विद्यालय चाय्केगु छुं नं विषय लागु मरु । खवप नगरपालिकां खवप विश्व विद्यालय चाय्केगु खाँ ज्वडः मदिक कुतः याडः वयो च्वंगु दः । थव नं हाँ याय्म्हा शिक्षा मन्त्री अशोक राई शिक्षा मन्त्रालयं प्रक्रिया च्व न्ह्याकगु खः । उगु विधेयक अर्थमन्त्रालय थ्यंगु बुखाँ प्याहाँ वसां अजनं उगु प्रक्रिया हज्यागु मरुनि । बजेटय खवप विश्वविद्यालयया छुं नं खाँ न्हिथाडः तःगु मरुगुलिं थुगुसी नं विधेयक पारित मजुङ्गु खः ला कि जक खवपया जनतां शड्का प्वंकः च्वंगु दः । अः याय्म्हा शिक्षामन्त्रीं थमं हे प्रतिपक्ष च्वंबलय् फुक्क प्रक्रिया पू वाडा नं छाय् खवप विश्वविद्यालयया विधेयक हमज्याकला दक उब्लेया शिक्षामन्त्रीता न्ह्यसः थांगु खः । उकिं नं खवपया जनतां थुगुसी खवप विश्वविद्यालयया विधेयक वैगु आशा यागु खः ।

आ.व. २०८१/८२ या नीति व ज्या इवःखय् जेठ १३ गते छलफल जू बलय् सांसद प्रेम सुवाल प्रधानमन्त्री प्रचण्डकय खवप विश्वविद्यालयया विधेयकया खाँ न्यं बलय् खवप कलेज(विश्व विद्यालय) विधेयक संसदं पारित यायता सरकारं बः याडः च्वंगु दः जक प्रधानमन्त्री प्रचण्डं लिसः बिला ।

खवप नगरपालिकां खवप विश्वविद्यालय चाय्केगु माग तयो च्वंगु

हिदा मयाक दय धुंकल । छगू शैक्षिक संस्था निः स्वानयगु सन्दर्भता कायो खवप विश्व विद्यालयति संसदय चर्चा जूगु सायदै मेगु शैक्षिक संस्थासम्बन्धीया विधेयकया चर्चा जुल ज्वी । खवप विश्व विद्यालय विधेयक पारित जूसा स्थानीय तह पाखं चाय्किगु नेपःया न्हपांगु विश्व विद्यालय जुङ्गु जुई । का.रोहित जुं खवप दे ताःइतक हे परीक्षण काथं छ्यलय् मःगु खाँ धायो वगु दः । खवप नगरपालिकां ब्वनय्कुथि व कलेजत तः लाक चाय्कः हज्याक च्वंगु दः । विश्वविद्यालय नं परीक्षण काथं हे चाय्केगु अनुमति ब्यसा देशया लागिं हे तहांगु ग्वाहाली जुई ।

तःतः हाकगु भाषणा मखु जनतां सरकारं ज्या याडः क्यंगु स्वय चाहेजूगु खः । थव नं हाँ या सरकारं नं बजेट पाखं यक्व यक्व ज्या इवः त पिता मब्वगु मखु । उगु ज्या इवः भ्वँतय व भाषणय जक लिक्क मतःगु जूसा देया अवस्था थौ थापाच्च क्वय मलाङ्गु जुई ।

रास्वपा घोषणा पत्र खय् विज्ञान, गणित व लेखा अलय् कम्प्युटर थें मेगु फुक्क विषय नं अंग्रेजी माध्यमं ब्वंकय्गु च्वयो तःगु दः । उगु खायँ नं बजेटं नुवागु मरु ।

न्ह्यागुनं खाँ अर्थतन्त्रं क्वः छिई धाय्गु छगू धापु दः । प्राध्यापक, शिक्षकपिन्ता तलब नकयता जक गाकः तःगु बजेटं शिक्षाया लागु च्वजाय्केफै मखु ।

संविधानं समाजवादउन्मुख राज्यया कल्पना याःसां शासक दलपिनिगु खाँ व ज्या धःसा पुँजीवादता बल्लाकय्गु हे खानय् दः । शिक्षाखय् उथिंयंकः ब्यवहार याय्गु खःसा राज्यं सामुदायिक व निजी याडः नेथीया शिक्षाया ब्यवस्था मदय्कः कानुनी रुपं थुकिता चिङ्कः छ्वय्मः ।



जिगु म्हगसया लागाय् छगू कुलां - जि दुने

पूर्ण वैद्य

जि दुने - छगू देय् दु
ह्युपाःया ह्याउँगु उनं ग्वानाच्वंगु
जिगु म्हगसया लागाय्
छगू कुलां दु - जि दुने, जिगु हि दुने
जिगु म्हगसया बां - प्रत्येक अपेक्षित मन्तयगु मिखाय् दु
जब इमिगु मिखा ख्वबिं लःलः धयाः तिसिना बिइ
जिगु म्हगसया बां बुलुयावनी
जिगु म्हगसया छगू नक्सा - प्रत्येक अपमानित मन्तयगु ल्हाःपाय्
दु
जब इमिगु ल्हाः खतं नयाः म्हुछिये मफयावनी
जिगु म्हगसया नक्सा गिजिमिजि जुयावनी
तर, जब इमिसं मिखा ततःग्वयेक ह्याउँक कनी
जिगु म्हगसया बां सुथ थें बांलाक खने दयावइ
तर, जब इमिसं वाक्कुछिनाः ल्हाः म्हुछिनाः सर्गः हवः खनी
जिगु म्हगसया लाग्गा धुच्छि ह्याउँक जः वाइ
मुख्य ला, थव ला अंश जिगु थःगु हे ल्हाः पाय् दु
जिगु हिनुली बाःवनाच्वंगु दु
जिगु हिइ क्वसियाच्वंगु दु
तर, जिगु हि हे - धात्थें ला जितः चां अन्न सयेकाः
नकीपिनिगु ल्हाःतय् दु
मिल, कारखानाय् थःगु चः तिं वस्तु पिकाइपिनिगु ल्हाःतय् दु
इपिं स्वयम् जिगु अनन्त ल्हाः खः
इपिं स्वयम् जिगु लँया च्यानाच्वंगु अल्याख मुस्याः खः
जि थः स्वयम् इमिगु अनन्त म्हुतु खः-
सुनां प्वाः तिइ मफइगु

जि थः स्वयम् इमिगु घाःया हि दुने च्वंगु
खँगवः या छगू बां खः
जब इमिगु हे छ्यं क्वछूगु खनी जिं-थव च्वापुया देसय्
जक इमिगु हे कक्कु लःद्याःगु खनी -अन्यायया बूठ न्ह्यः ने
जिगु न्ह्यपु क्वानावइ
जब जिगु हि चिल्लाय् दनाः दयावइ
इमिगु मिखा ह्याउँयावइ
इमिगु ख्वाःया उन पानावइ
जब धर्म व अन्धपरम्पराया आचाकलिं दाःगु इमिगु ल्हाः तुति
सनाहइ
जब पाकां सुयातःगु इमिगु म्हुतुसि फर्फ सनाहइ
जिके खँगवःत छरां थें मुयावइ - जिं हे मचायेक
छगू न्हूगु मान्यताया यथार्थतां
छगू वस्तुगत मूल्यया मिगालं मुयाः वइगु खँगवःत
वया लाग्गा छगू देसय् जक कयकुनी मखु
वया सः छपा न्हाय्कनय् जक थवइ मखु
वया अर्थ छक् थाय् छगू इलय् जक लिकुनाच्वनी मखु
जिगु कुलांया धाः थें ज्वःगु जःत
जिगु खँगवः पतिकं क्वानाः न्यनावंगु दु
मि थें चुइँचुइँ पूगु अर्थय् स्पष्ट जुयाः
थव देय्या प्रत्येक ज्यामितयगु मिखाय् लुयाः वयाच्वंगु दु ।
ल्वहं छ्याछ्यां थःगु पतिं पंम्हुयाः हिइगु घालं दनाः वयाच्वंगु
हिं बुलातःगु ह्याउँगु छगू कुलां ।
गौमनं थें न्ह्याक्व हे छ्यं ल्हवनाः ल्हवनाः
तः जायाः वयेत स्वःसां
थव चाकः छिं ल्हाःपा स्वानाच्वंपिं हाकुगुंतय्सं

सच्छिव स्वीडागुगु स्वप पौ. ब.छि पौ(पाक्षिक)

न्याक्व हे सिमेण्ट, डण्डी तना: तना: बल्लाका:
तत: जायेका: थना ह्येत स्व:सां

श्व महल, लाय्क्या प:खातयसं
नुनां नुने मफडुगु छगू कुलां ।
स्या:गु हिं दना: वयाचवंगु छगू कुलां ।

गन खसुं त्वपुड मफुगु छगू सुथ दनावड
गन हाकु सुपाँचं नुने मफुपिं सूर्य लुयावड
गन च्वापुगुं क्वाकिइपिं निभा: त्वयावड
गन तकुस्वां ह्याउँकिइपिं ज: पिब्वानावड

श्व चिनी धका: हवलात:गु
ल्हा:तुति कथिं दायेकीगु शीत खसु - बियेवं नायेकिइपिं
चुपिया धा: थें ज्व:पिं ह्याउँ ज:त दुब्वानावड
ज:त पनीम्ह हे सु ? आखिरय् व थ: हे मक्वासें मगा:,
भी सकसियां हिं दुने छगू मंका: कुलां दु
श्व हे जि दुने च्वंगु छगू कुलां-

छगू अनन्त यच्चुगु सर्ग:या सम्भावनाया
छगू अनन्त ह्याउँगु ज:या सम्भावनाया
ख्वाउँगु च्वापुधी हे नायेका: खुसिबा: ह्येफुपिं
अल्याख सूर्य लुइफुगु
अनन्त तकुस्वां ह्वयेकेफुगु
खालि, भीसं थ:गु हिं दुनेया कुलांया स्वीकार जक या
ज्यां ख्वं जूगु ल्हा: तं श्वया उद्घाटन जक या
खँ जक ख्वं जूगु म्हुतुं मखु ।
भीगु कुलां क्वाना: नयाच्वंपिं गुँ, प:खा: तछ्याना:
थ:गु हे हिया सहिछाप दुगु
थ:गु हे ह्याउँगु कुलां मलुयेकं
गन ह्याउँगु निभा: लुइफड-आस आसं जक
ह्याउँगु निभा: हे मलुइकं
गन भीगु तकुस्वां ह्याउँयेफड
गन भीगु थलचाय् ह्याउँ निभा: त्वयेफड
खसु खसुं जक भुना: सुथ नयाच्वंगु देसय्
खसु खसुं जक भुना: निभा: सिनाच्वंगु देसय्
(कुलां ६:५:११००)

लाजनीति

चिकंभञ्ज

देशया इतिहासया पौ पुइकेगु इलय् राणा काल,
पञ्चायतकालय् देशय् ह्यूपा ह्यूता ब्वनामिपुं हज्यात,
शिक्षकपिसं ग्वाकल । आन्दोलनया भाला कुबियो
जागिर जक मखू ज्यान हे पाडु: जेलनेल फयो शिक्षकपुं
राजनीति वल । छगू हे जक तातुड, देशय् ह्यूपा
ह्यूता, जनताता सुख वियता । थ: हदाय् च्वड: ट्यूशन
ब्वंकी धेबा मक:सिं, ब्वनय्कुथिं ब्वंकी बांलाक शिक्षा
दे हछ्याय्गु जग ख: धायो । देशय् शिक्षितपुं अपलं
द: सा शोषक तय्सं शोषण अ: पुक याय् फै मखु ।
उकि थीथी आन्दोलनय् खानय् दय्क व मदय्क देश व
जनताया निंतिं ज्या साडु: च्वन, नि:स्वार्थ राजनीति ।
थौं प्रजातन्त्र वल हँ दे गणतन्त्र जुल हँ ।
म्हेगया गुलिं शिक्षकपुं शासन सत्ताय् वान । सत्ताया

माकु सब: थुयो व लिसें प्यासी थें गथे प्यपुड च्वनय्
धायगु मतिं थीथी नियमत दयकल पिब्वत । शिक्षकपिसं
राजनीति याय मरु हँ । सत्ताया लिधंसाय च्वड:
च्वपुं शिक्षकत लयताल । म्हेग: म्हवँया जग्गा श्वकय्
मज्यु ह: जूपुं थौं बुथु व म्हवँयाता ल्वाक: पूजा ज्वं
जुल । मास्तरया तलबं छँ हमज्यागु त्वह तयो जुल ।
सरकारया ज्या मंदसा याय्गु मन मरुसा मयाय्गु,
योसा ब्वंकल मयोसा मब्वंकल । क्वय् निसें च्वय
थ्यंकया थुगु नीतिं थ: काय् म्हाय् विदेशय् वाडु:
छ्वत । थमनं मुडागु सम्पतिं थ: ता हिस्याडु धायो
च्वन, ग्व छंगु व समाजवादया लाँपु धापु ? पुँजीवादया
खानय् मरुगु लाजनीति स्वस्वं देया मिखालय् ख्ववी
ललमल धाल ।

सिथि, नखा नपां सुचुकुचुया दिं

आशा कुमार चिकंवाज्जार



ई न्ह्याळें उन्थें तू जुयो च्वनि मखु । चिकुलया खसुं भुंकः, तुतिहे फवं फवं जायक पु गाकः ख्वाउँया राज्यं साम्राज्य चलय् याइगु इलय् ख्वातुगु नं सुरुव, सिल गाः थी थी क्वाजः वइगु वसतं भुडः मनूनं प्रकृति नपां ल्वाडः जीवन न्ह्याकी । चार्ल्स डार्विननं धायो द्यूथे - म्वायता ल्वायमः (struggle for life) धात्थें जीवन वःफय् लिभः नपां ल्वाडः हज्याक यंकय मफूसो खय् भासं धः थे 'बलियो बाड्गो बाधलाई लुट लाड्गे माधलाई' जुई । बाज्यापिसं धायो तः काथं छें भुथु च्याकयता घांजा, छुसि, दुयमः । अलय् मकः पानयता नं छवः, कथिचा, सिक्वचा मदयक मगा । अलय् थाय् थासय्या गुई घांजा सूवानय्युगु याई उब्ले घांजा कुबियो सिगा खय् तयो बा कलय् चिड ह्य सःपुं भातिचा बल्लापुं हे जुई । अमिता धुं यंकल धःगु न्यडः वयागु हे खः । अथेहे गरिबीया च्वाप्वं दायक ख्वाउँ थियो सीपुं नं न्यडः वयागु हे खः । उकिं हे धायो तःगु ज्वी बल्लापुं धुं याता बमलापुं बुहाबुहीपुं चिकुला (माघ) याता जक । उब्ले घांजा सुडः वैगु इलय् वन फडानी याइ दक सापामाहाँ माहाँ तयसं

ज्वनिगु नं ब्यवस्था याडः तःगु न्यडा । गुगु घांजा ब्वयँचा सुडः हः सेलिं अः थें अपलं गुं मिं न्वला धःगु नं उलि मरु धाई । गतां गतां गुं मिं न्वःसा गुई मिं न्वगु सकसिनं खौं थःगु नुगलय् मिं न्वगु सुननं मखां धायो गरिबीया सः पिज्वय्कः नुगः हिइसे च्वंसां पिब्वय् मफूगुया फ्यासुगु सः लोक भनाइ नपां पिज्वय्कः तःगु जुल । उकिं हे धाइ-लोक साहित्य युगया चिं खः, उगु ई या ख्वःपा खः दक । वहे लोक साहित्य, दुनय् लोक संस्कृतिया लॉपु ज्वडः च्वना । भीसं स्वताक्क धयपुडः थःगु जीवन वन नपां स्वाडः ल्यंकः तया । गुकी भीगु थःगु पहः दः । बुद्ध जन्म जूबलय् डायो वांथाय् तक बुयो वगु पलेस्वं न्हय्फवः नं दापुया चिं ताय्कः थाना न्हिथाडा ।

शिशिरं हाय्कः ब्यूगु सिमाहः बसन्तं चुलि जायक ब्यूसेलिं तकुस्वं नपां ह्वगु मनय् चिकूला नपां ल्वाडः त्याकागु जीवनयाता घातु या म्येँ खँ न्हयप थाडः लुमुगु दिनयाता भैलखं क्यलः ताल्लाता ल्योसिंद्यो लू थें लुयो है । पाँती, भुजिया लसतां हनय् लाथें हालः भूजिखि फाडः म्हेगः स्वयो थौं सुजः द्योता छाकः हसेलीं म्हा हे क्वयकः लिभः थिडः तला त्वई । ओहो सुजद्योया फूर्ति ! मानौ व गुब्लें हे ताडः मवानिम्हा साम्राज्यवादी जुजु थें, अत्याचारया सीमाचिं पुलः व थःगु अधिकारं हाचां गायो नाः हे, ग्वारा काय्कः बि । नाः क्वाकः हाँ वयकः सर्गय् थातायंकः सुपार्यँ दयकिगु ज्या नं याईदक धायो तःगु दः। वहे सर्गय् मँ वांगु सुपार्यँया पहः स्वःस्वं थुगुसिया बर्षा गुलि जुई दक ग्याडः च्वंपुं मनूया मनय् संस्कृतिया कुसां कुयो थी थी नखात डाय्कः मन स्वताक्क चियगु याई ।

अथेहे वर्षा फय् फयकिगु नखा मध्ये सिथि नखा नं खः ।

कुमार षष्ठी, सिथिनखा कुमारया बु दिं दक नं धाई । पुजाया इवल्य् दकलय् न्हःपां पूजा मतः सिं ख्वलाय् तयो नाः भाति तयो कुमार (पिखालाकी) छाय यंकिगु चलन नेवः समाज्य् अःनं दः नि । स्वस्थानी या बाखं काथं महाद्योया विर्यं ऋषिपत्नी पाखं कुश भवँ मिं न्वयो च्वंथाय् मिपाडः गर्भवती जूसेलिं गड्गाय् वाडः ल्हवयो खुपा ख्वः दःम्हा कुमार गड्गां थः पुत्र भः पिया ब्वलांकगु बाखं नपां गनां ख्वलाय् नाः तयो पिखालाकी छाय यंकगु खःला ? विचः याय् लाइक जू ।

अथेहे भगीरथं तपस्या याडः पृथ्वी क्वकः म्हा गड्गाता महाद्योवं जताय् फयो कःगु बाखं दुनय् बर्षाया अतिवृष्टि फय फयकेता शिवपुत्र कुमारता आराधना यागु खःला ? वहे काथं सिथिनखा खुनुं म्वँ मल्हसा बर्षा फय् फँ मखु जक धायो तःगुया बैज्ञानिक कारण मालय् मालि थें च्वं । अः वर्षा वइन । वर्षा नपां वापिज्या जुई । अलय् 'सितिं साति वापिज्या पायं साति वालय्ज्या' धायो तः काथं थुगु खौं प्रमाणित जू व । अलय् वापिज्या व सामाया इलय् सामां गुम्हा जुयो ज्या सानय् मः धायो अतिकं लिइमलाक जुय मालिगुलिं उब्लय् म्वँ ल्हय लाइ मखु धायो उखुनुं वाधयतां म्वँ ल्हक सातिखुनुं निसें बुई जोतय् जूइगुयां पक्का हे जुल ।

सिथि नखाता थौं कन्हे नेवः तय्गु 'वातावरण दिवस' जक नं धाय्गु याडः हल । थ्व कतया नां त्यासा कः गु थें जक जुलला ? छाय् धःसा थुगु दिनय् सुचुकुचु याय्गु नपां नाः छँ अज धाय्

सच्छिव स्वीडागुगु स्वप पौ. ब.छि पौ(पाक्षिक)

तुथि, ल्वहँ हिति त सफा यायगु चलनं वर्षाया इलय् मुनिगु नाः व दाच्छितक तुथि चाय्क मचाय्क कुतँ वांगु अपा, धूत ध्वगिडः फोहर नाः जुयो मनूत विरामी जुय फःगुलिं नाः छँ तुथि ल्वहँहितित सफा यायगु याडः तःगु पुर्खाया वैज्ञानिक पहः मखु जक गथे धाय् फँ । उकीं नखा नपां स्वाडः वैगु संस्कार-संस्कृति दुनय् दुवाल स्वय बलय् धात्थे गु खँत पिकायगु वैज्ञानिक तथ्यत लुइकेता ज्या थौया न्हँगु पुस्तां याःसा अभ्र बांलाई । अलय् थःगु संस्कृतिया वैज्ञानिकता थुइकः उकिहे थःगु ख्वःपा लुइकः थःगु धायगु भावनां प्याकः थःगु म्हासिइका पिबवयो जुय दै । नपां संस्कारया इतिहास सय्कः थुइकः सभ्यताया ताकी गगं वगु भीगु नखा चखाया ख्वः चकानी ।

थुगु इलय् छँ सुचुकुचु याडः छँ नं प्याहाँ वगु फोहर नपां मुडः सः छकु बुई तय्क यंकय् फःसा बुँयाता बः तांकय्गु थें जुइ धायो तःगु दः । धात्थे फोहरं भुजिं, पौंति दयो वर्षा ल्वय भ्राडावान्ता, हैजा हैगुलिं सफा याडः चवनय् मःगु चवय धायथें सिन्हाज्या बलय् लिइमलाइगुलिं उखुनुया दिनय हे सुचुकुचु याक तःगु कृषिख्य जीवन पाडः जुइपुं बुँज्यामिया लागिं पाय्छी ई व ज्या मखु धाय् मछिं, उब्लेया ल्याखं स्वयबलय् उखुनुं सुनं बुई सः कु तय हला वयागु बुँ याइगु अलय् म्हेवँ भाग मरुगु इलय् बुथुं थः योम्हा सिता बुई सःतय्के छ्वयो चाकडी याकः तैगु सामन्तवादी युगया पला ख्वायँ नं सितिनखां क्यं । उब्ले छँ सुचु बुथु पाचु' धायो तः काथं जाकी मुली पुलां जक मचः बुथुया छँ वाडः ज्या साँ वानय् मःगु अमिगु छँ वाँ इयु वानय् मःगु, सु छ्वाली छ्वः यंकः बियमःगु बुथुया जहानया भौपिति मचा बसा चिकं बुकः वानय् मःगु कुतय्क यंकय्गु थजगु अतिकं

क्वह्यंकः च्यो भ्वातिं काथं छ्यलः तःगुया चवयमानिगु बाखं नं सिथि नखां कुबियो च्यंगु दः ।

थुगुइलय् छ्वः सय्कः पाय्ता लिभः कडा जुयमः धाधां छ्वः सय्क छुस्या सियो म्हयूछ्या मारी दय्कः नवदुर्गा द्योथाय् छाय् यंकः थः पिसं नं न्हँगु अन्न द्रहँ वगुलिं उकियाता लसकुस याडः 'नुवागी नैगु चलन नं दः । अलय् सिथि नखाया इलय् वः चतामारी नं द्योकय् छाय् मः धायो यंकी । भगस्ती निसें द्यो जलसं विज्याइगु धायो नाखय् फोहर याय् मज्यू धाई । थुकिया वैज्ञानिक कारण स्वय्गु खःसा जलचर



प्राणी डा, ब्यां थजपुं नाखय् श्वकिगुलिं अमिता नोकसान जुइ धाय्गु छथि खःसा मेदखय् असारया नाखय् हे चवडः सिन्हाज्या याय् मःगुलिं न्हापा वहे नाखयतुं ख्वला, भू सिलिगुलिं नं फोहर याय् मते धायो तःगु खः ।

ताल्लाया रापं ग्वाकः लकस हे म्हाय पुसे च्वंकः भिंजामिंजा ई नपां लसताया सिन्हाज्या यायां सितिनखा धुंकः रसरंगया खँत नं ल्हाइगु नपां भौ काय्गु (उब्लेया धापु काथं अशिलल व यौनवादी छाडा लयात्मक खँत) नं याडः है । गुकिता नेवः तयगु ज्याप दकनं थौ कन्हे धाय्गु याडः हल । श्व नं छपुलु स्वय मःगु खँ खः । सुथाय् निसें बहनी ख्यं मजु तलय्

ज्यासानय् मालिगुलिं गनां रस रंग व रतिरागया खँ खं म्हाययु छ्याइगु सायद उब्लेया चलन खः जुई ।

उकिं सिथिनखा ग्वः नखा अथेधाय् सुरुया नखा नं धः । म्हायय्मचापुं सःत वः नक लाः बःतांकः सिन्हाज्याता सः तिगु थुगुनखा दापु नखा खः । अलय् संस्कारया ई ल्वहँ धाय् मालिला । ताल्लाता कयपुक बर्खाया खापा चाय्कः सृष्टिया सुथः (सिन्हाज्या) सः तिम्हा सिथिनखाः या अप्रभंश काथं सितिं वगु नखा जक भतिचा हिस्याय् थें धःसां थुकियाता दुवालः स्वयबलय् - मनूया जीवन नपां तस्कं स्वापु दःगु नखा दक मधःसँ मगा ।

थुगुइलय् सफा याडः भगस्ति खुनुं स्वमा सिमा पियगु याडः तःगुलि जून ५ थें उखुनुं हे सफा यायगु अलय् सिमा स्वमा पियगु मखु भीगु थःगु पहलय् दुतिडः भगस्ति खुनुं जक स्वमा पियगु याडः तला । ख्वपय् थुखुनुं नवदुर्गाया ख्वःपा उइगुलिं प्रकृति हे दुःख तायो ख्वैगु अथेधाय् व ख्वःपा उगु नौ च्चुकः व वइगु धाई । अलय् धरबासी (बासुकी) नाग पनाती जात्रा स्व

वानिगु धायो उब्ले नं व वइगु धायो वर्षाउ खं स्वमा सिमाता नाः बिय म्वालिगुलिं आकासं गागु वः लं हे गाइगु लिं थुब्ले पिगु स्वमा सिमात म्वाइगु धायो तःगु खः ।

कृषि प्रधान देशय् बुँज्याया लिधंसाय् मौशम नपां त्वाय चिडः भी पुर्खा नखा-चखा दय्कः तकल । गुकि दुनय् भीगु म्हासिइका दः । सांस्कृतिक अतिक्रमणं देश हे कतया याय् यांगुलिं भीसं भीगु नखा-चखा व संस्कृतियाता वैज्ञानिक ढङ्गं थुइकः हाडः वानय् फत धःसा भी भी जुयो म्वाडः चवनय् दै । अलय् हलिमय् भीगु तःजिलजि भीगु संस्कृति च्वजायो वानि , श्वहे खँ थुइकः न्हँगु पुस्ताता लः ल्हाडः यंकय्गु थौया इलं धायो च्वंगु थें च्वं ।

खप नगरपालिकाया ज्या भवः त

बागमती प्रदेशया संस्कृति, पर्यटन, नागरिक उड्डयन व सहकारी मन्त्री बज्राचार्य खपय्

जेठ १३ जते



बागमती प्रदेशया संस्कृति, पर्यटन नागरिक उड्डयन व सहकारी मन्त्री शैलेन्द्र मान बज्राचार्य जू याता खप नगरपालिकाया प्रमुख सुनिल प्रजापतिजुं तका तपुली व खादा क्वखायक खप नगरपालिकाया सभाकक्ष सं लसकुस याडः दिल ।

नपालाय्गु इवलय मन्त्री बज्राचार्य जुं सम्पदा ल्यंकः म्वाकः तय्गुलि पुर्खाया योगदान ज्वः मरुगु खाँ ब्याकसे नगरपालिकां सम्पदा ल्यंकः म्वाकः तय्गु ज्या याडः च्वंगु तस्कं च्वछाय बह जू धायो दिल ।

स्वनिगलय बँ ज्या याय्गु बँ मदयो वगुलि चिन्ता प्वकसे वयकलं सिमेन्टया आयु ५०/६० दाँजक दःगुलिं दण्डी, सिमेन्ट स्वयो चां काकः भीगु थःगु मौलिक पहलं दानय् ता बः बियम धायोदिल । वयकलं मन्त्रालयया प्राविधिक पिन्ता सम्पदा ल्यंकः म्वाकः तय्गुया खाँ जनचेतना व मौलिक शैलीया सम्पदा ल्यंकः म्वाकः तय्ता सचेतना ग्वाकय् मः धायोदिल ।

स्वनिगः दुनयया ल्हवनय्-कानय् व दाडः तःगु सांस्कृतिक सम्पदात मध्ये अपलं विदेशी तय्गु ग्वाहालीं ल्हवनय्-कानय् याकगु खाँ कुल दिसे स्वनिगलय बँज्यायाइपुं व बँ मदयो वांगुलि चिन्ता प्वकः दिल ।

उगु ज्या इवःसं खप नगरपालिकाया प्रमुख सुनिल प्रजापति वांगु न्ह्यदा दुनयँ १५४ गू सम्पदात ल्हवनय् कानय् व दानय् धुंगु खाँ ब्याकसे सम्पदा ल्यंकः म्वाकः तय्ता ठेक्का वियगु ज्या मज्यगू भीगु सम्पदा ल्हवनय्ता भी हे सक्षम जूयमः धायो दिल । १२ करोड ८५ लाख लागत अनुमानया थन्थु दरबार

दानयज्या अः न्ह्याडः च्वंगु खाँ ब्याकसे वयकलं सम्पदा ल्यंकः म्वाकः तयगुलि लिपाथ्यंकः या सोच तयो ज्यासानय् मःगु बिचः प्वकः दिल ।

खप नगरपालिकां भीगु मौलिक पहलं छँ दानीपुं नगरबासीपिन्ता मोहडाय् छ्यलिगु सिँ व अपाया ३५ प्रतिशत अनुदान वियगु याडः वयागु खाँ ब्याकसे प्रमुख प्रजापति जुं स्वनिगः या सांस्कृतिक लागाया संरक्षणया लागिं उगु थासय्या जग्गा छँ त स्व निगः पिनयया मन् तय्सं न्याय मरुगु ब्यवस्था याय्या लागिं कानुनी ब्यवस्था याय् मःगुलि बः याडः दिल ।

ज्या इवः सं उप प्रमुख रजनी जोशी लुम्बिनी विकास बोर्डया नायो राजेश शाक्य वडाध्यक्षपुं रविन्द्र ज्याख्व (९), उकेश कवां (७), हरिप्रसाद वासुकला (२), प्रमुख प्रशासकीय अधिकृत वसन्त भट्टराई, पर्यटन शाखा प्रमुख गौतम प्रसाद लासिव, प्रशासकीय अधिकृत दामोदर सुवालपुं भःगु खः ।

ज्या इवः लिपा प्रमुख प्रजापतिजुं मन्त्री बज्राचार्यता खप नगरपालिकाया पिथनात नपां खपया लोकहवागु म्हुवयखा इयो मतिनाया चिं काथं लः ल्हाडः दिल ।



ज्या इवः क्वचायक मन्त्री बज्राचार्यया पुचलं खप नगरपालिकां लिपिड, दाडः च्वंगु थन्थु दरवार, खपया लायकु, तः माही, तालाक्व त्वाल्य् भायो स्वयो दिल ।

स्व. अखण्ड धौभडेलया इवातां पलिस्था

जेठ १३ गते

समाजसेवी नपां शिक्षाविद स्व. अखण्ड प्रसाद धौभडेलया इवातां पलिस्था नपां वयकया तिरी मयजु चन्द्र लक्ष्मी धौभडेल १०१ दा फुडः १०२ दा क्यंगु लसताय 'शताब्दी नारी अभिनन्दन' ज्या इवः आइतबार जुल ।

ज्या इवः सं स्व. अखण्ड प्रसाद धौभडेलया इवातां पलिस्था यासे खप नगरपालिकाया प्रमुख सुनिल प्रजापति जुं खप देश्य ब्रूम्हा देशया नितिं महत्वपूर्ण योगदान याडः द्यूम्हा अखण्ड प्रसाद धौभडेल देशया गौरव प्रतिष्ठा खः धायोदिसे उब्लेया इलय् दरवार हाइस्कूल यें पाखं एसएलसी व पटना विश्व विद्यालय पाखं स्नातक पास यायगु तस्कं हे थाकुगु खाँ ब्याकसे खपया शैक्षिक लागाय् ह्यूपा ह्यता वयकया योगदान चवछाय् वहजू धायो दिल ।

वयकया योगदानता हानयगु काथं खप नगरपालिकां स्थानीय पाठ्यक्रमय् वयकया जीवनी दुश्याक खपया ब्वनयकुथि ब्वंकः ब्वंकय् बियो वयागु खाँ ब्याकसे देश व समाजया नितिं वयकलं याडः दयगु वयकया किर्ती वयकता युगयुगतक म्वाकः तैगु खाँ ब्याकसे वयकलं नागरिक शास्त्र भाग-१ व २, नागरिक शास्त्र वृहत तथा परिमार्जित, हाइस्कूल ग्रामर, गोल्डेन गाइड तु जनरल इङ्गलिश, अलय गुगु, हिगु तगिंया खा लहियगु विषयया 'कुखुरा पालन' थजगु साफूत चवयो थमनं सय्कागु ज्ञान व सीप खपय हे छ्यलः शारदा मा.वि.या संस्थापक, विद्यार्थी निकेतन मा.वि. या प्र.अ. नपां मेगु अपलं ब्वनय् कुथि निःस्वानय्ता वयकलं योगदान याडः द्यूगु खाँ कुलदिल ।

ज्या इवः सं खप नगरपालिका वडानं ४ या वडाध्यक्ष उपेन्द्र सुवाल जुं स्व. अखण्ड प्रसाद धौभडेल खपयायम्हा जकमखु देशया छम्हा महत्वपूर्ण मनु खः धायोदिसे वयकया जीवनी पिथागु न्हँगु पुस्ताता लाँपु क्यनय् थें जुई धायो दिल ।



ज्या इवः सं भक्तपुर उद्योग वाणिज्य संघ या नकी रोशनी मैयाँ धौबञ्जार सुनं मनु तः लाय्ता अमि परिवार व अभिभावक पिनिगु लाहा दैगु खाँ ब्याकसे स्व. धौभडेल जू शिक्षा व समाजसेवां चवजःगु खाँ काडः दिल ।

इतिहासविद प्रा.डा. पुरुषोत्तम लोचन श्रेष्ठ स्व. धौभडेलं थःगु जीवन कालय याडः द्यूगु ज्याखं युग युग तक म्वाकः तैगु खाँ काडः दिसे वयकया तिरीमयजु चन्द्र लक्ष्मी धौभडेल शताब्दी नारी काथं हानय् दःगु नेपः याय् हे न्हांम्हा मिसा जूगु नपां शताब्दी नारी अभिनन्दन नेपः या इतिहासयाय् हे लुमांकय् बहगु क्षण खः धायो दिल ।

स्व. धौभडेलया जेठाम्हा काय राजेन्द्र प्रसाद धौभडेलया सभानायोलय जूगु उगु ज्या इवः सं वयकया किजा अनन्त धौभडेल व कान्छाम्हा काय प्रकाश मोहन धौभडेलं स्व. अखण्ड प्रसाद धौभडेलया ब्यक्तित्व, देश व समाजया नितिं याडः भःगु योगदानया खाँ काडः दिल ।

ज्या इवःसं प्रमुख प्रजापति जुं चन्द्र लक्ष्मी धौभडेल १०१ दा फुडः १०२ दा क्यंगु लसताय 'शताब्दी नारी अभिनन्दन' याडः दिल ।

इवाप

खप नगरपालिका पाखं पिथाडः च्वंगु खप पौ बः छि पौ खय् बांलागु चवसु त बियो ग्वाहाली याडः दिसँ । उगु रचनाया ल्य ज्या याडः पारिश्रमिक बियगु खाँ खप नगरपालिकाया २०७७ श्रावण २६ गते च्वंगु बैठकं क्वः छ्यूगु खाँ ब्याक चवडा ।

सम्पादक
खप पौ

प्राध्यापकपुं, स्थानीय पाठ्यक्रमया शिक्षकपुं मुंज्या

जेठ १४ गते



खवप नगरपालिकाया गवसालय खवप नगर दुनयँ चाय्क तःगु ब्वनय्कुथिया प्राध्यापक व स्थानीय पाठ्यक्रम ब्वंकिपुं शिक्षकपुं मुंकसे 'छगू ब्वनय् कुथिता छगू सम्पदाया सुचुकुचु याकय्गु' अभ्यास छ्यलयता थःगु नपांया सम्पदा सुचुकुचु याकयता जिम्मेवारी बिल ।

ज्या इवः सं खवप नगरपालिकाया प्रमुख सुनिल प्रजापति जुं सम्पदाया माया याय्गु बानी ब्वनय्कुथिया इलय निसें हे याकय् मःगु नपां सभ्य व सुसंस्कृत समाज दय्केता ब्वनय्कुथितय्गु तहंगु लाहा दैगु खाँ ब्याकसे ब्वनामिपिन्ता अनुशासित, कर्तव्यनिष्ठ व देशभक्त काथं ब्वलांकयता शिक्षकपिसं मकाथं पला छियमः धायोदिल ।

गणतन्त्र दिवसं ज्यासाडः नै पुं वर्गता छु नं भिं याय्मफःगु खाँ ब्याकसे वयकलं पुँजीवादी गणतन्त्रं ज्या साडः नैपिन्ता भिं मयाइगु खाँ जनतां बांलाक हे थुइकः च्वंगु खाँ ब्याकसे राजनीतिक दलत बिचः व सिद्धान्तया लिधांसाय् हमज्यासेलिं देश भून भून ल्यूनय् लः वांगु खाँ नपां राजनीतिक पार्टीं तय्गु बोली व व्यवहार उः मलागुलिं नेपःमि पिंकय् राजनीतिक वितृष्णा ब्वलांगु खः धायोदिल ।

ब्वनामिपिन्ता थःगु तुतिखय् दानय् मः धाय्गु खाँ ध्वाथुइके

बियो ब्वनामिपिनिगु कन्हेया दिन व अनुशासित समाज दय्केता शिक्षक व ब्वनय्कुथिया तः हंगु लाहा दैगु खाँ कुल दिल ।

खवप नगरपालिकाया उप प्रमुख रजनी जोशी जुं खवप नगरपालिकां चाय्क तःगु कलेज पाखं अपलं दक्ष जनशक्ति ब्वलानय् धुंकगु खाँ ब्याकसे स्थानीय पाठ्यक्रमया मूल मर्म थुइकः ब्वंकय् मःगु, खवपया नखा-चखा, कला-संस्कृति पर्यावरणीय ल्याखं नं च्वजःगु खाँ पिब्वसे सच्छिदा लिपाया खवपदे सभ्य, सुसंस्कृत दय्केगु तातुड खवप नगरपालिकां ज्या साडः च्वंगु खाँ काडः दिल ।

वडा नं ९ या वडाध्यक्ष रबिन्द्र ज्याख्वं थःगु चाकलीया थाय् सुचुकुचु याय्गु ज्या इवः हःनय् यंकय् मःगु खाँ ब्याकसे ब्वनय् कुथिया इलय निसें हे ध्वगिइगु व ध्वमगिइगु फोहरत मुंक सः दय्के फःसा ब्वनय्कुथिया किबाय् सः तय् फँगु छँ छँ नं प्याहाँ दैगु फोहर थासय् लाकय्गु ज्या फुक्कसिया मंकः दायित्व जुयमःगु थजगु ज्या ब्वनय्कुथि निसें हे स्यनय्मः नपां ग्वाकय्गु ज्या इवः तय्मः धायोदिल ।

नगर शिक्षा शाखा भक्तपुरया प्रमुख साधुराम फुयाल जुं खवपया ब्वनय्कुथि ब्वनामिपिन्ता थानाया कला, संस्कृति, नखा चखा, जात्राया खाँ ब्वंकः ज्ञानया लाग्ता तः ब्याकगु खाँ काडः दिसे सम्पदा सुचुकुचु याय्गु ज्या ब्वनय्कुथिया सामाजिक दायित्वखय् ला धायो दिल ।

५ वडाया वडाध्यक्ष नपां स्थानीय पाठ्यक्रम निर्माण ज्या सना पुचः या कजि योगेन्द्रमान बिजुकछँ जुं स्थानीय पाठ्यक्रम ब्वंकय् मःगुया खाँ कुल दिलसा वडा नं. २ या वडाया दुज नपां वातावरण समितिया दुज मञ्जुमैयाँ लाखां नं न्वचु तयो द्यगु खः ।

ज्या इवःसं खवप नगरपालिका दुनय् चाय्कः तःगु सामुदायिक व संस्थागत ब्वनय्कुथिया प्राध्यापक व स्थानीय पाठ्यक्रम ब्वंकिपुं शिक्षक शिक्षिकापुं भःगु खः ।

**नगरपालिका भीगु हे संस्था खः
इलयहे करपुल ग्वाहाली याय्नु**

जनगणतन्त्र चियाड्सी प्रान्तया यिछुन नगरया प्रतिनिधि पुचः खवप्य्

जेठ १५ गते



खवप नगरपालिकाया प्रमुख सुनिल प्रजापति नपां जनगणतन्त्र चीनया चियाड्सी प्रान्तया यिछुन नगरया जनप्रतिनिधिसभा स्थायी समितिया निर्देशक लिनिडया न्हयलुवाय् भ्रुःपुं प्रतिनिधि मण्डलया पुचःता मंगलवार सांस्कृतिक नगर खवप देशय् लसकुस यासे प्रमुख प्रजापति जुं नेपः दे 'एक चीन नीति' या पाखय् दःगु खाँ ब्याकसे नेपः मि पुं व चिनियाँ जनताया स्वापु अजक्वातुयो वानिगु विश्वास प्वंकः दिल ।

सांस्कृतिक, ऐतिहासिक, पुरातात्विक दृष्टिकोणं खवप दे तस्कं महत्वं जःगु नगर खः धायो दिसे नेपालय इलयब्यलय वड्गु विपतया इलय चीन सरकारं यागु ग्वाहालीयाता सुभाय प्वंकः दिल ।

राजनैतिक ल्याखं हिगु वडाय् ब्वथल तयो खवप नगरपालिकाय् नेपाल मजदुर किसान पार्टीया फुक्क जनप्रतिनिधिपुं त्याकः वगु खाँ ब्याकसे नेमकिपाया नायो भाजु नारायणमान बिजुक्छेँ (रोहित) जुं च्वयो द्यगु 'सच्छिदा लिपाया खवप दे' साफूया लिधंसाय खवप नगरपालिकां ज्या साडः वगु खाँ ब्याक दिल ।

खवप दे पर्यटनया ल्याखं नं महत्वं जःगु थाय् जूगुलिं वयकल दायं २ लाख ५० हजारति विदेशी पर्यटकत खवप्य् चाह्य् वैगु ल्या कांसे खवप नगरपालिकां सार्क दे व चिनियाँ पर्यटक पिन्ता ड्रास धेबा व गैर सार्क याय्पिन्ता १५ डलर वा १८०० तका ध्यवा कायो वहे शुल्कं खवपय शिक्षा, स्वास्थ्य, सम्पदा ल्हवनय-कानय व विकास निर्माणया ज्या याडः वयागु खाँ काडः दिल ।

प्रमुख प्रजापति जुं चिनियाँ न्हँदँ(ड्रागन वर्ष) या लसताय खवप नगरपालिका व चिनियाँ राज दूतावासया मंकः ग्वसालय् खवपया लाय्कुली भब्य सांस्कृतिक ज्या इवः जूगु खाँ कुल दिसे

खवप नगरपालिकां चीनया सछुवान प्रान्तया लसान नगरपालिकानपां तताकेहँया स्वापु तय्गु मतिं मैत्रीपूर्ण सहकार्यया स्वापु तय्ता समभ्दारी पौखय् लाहाचिं (हस्ताक्षर) जूगु खाँ कुल दिल ।

वहे इवल्य् यिछुन नगरया जनप्रतिनिधिसभा स्थायी समितिया निर्देशक लिनिड जुं नेपः व चीन दश्वीया मित्रता भन क्वातुयो वांगु खाँ ब्याकसे खवपया जनताया सरलता, कुशल व्यवस्थापन, संपदा ल्यंकः स्वाकः तय्गु व खवपया विकास खवपया सांस्कृतिक स्तर च्वजाजां वानिगु खाँ ब्याकसे नगरया विकासय् खवप्य् त्याकः वांपू जनप्रतिनिधिपिसं न्हयलुवा याडः ज्या साडः वगुलि थःता बांलागु लिचवः लागु खाँ ब्याक दिल ।

सांस्कृतिक अनुभव कालबिल याय्गु इवल्य खवप नगरपालिका अपलं हज्यागु खाँ ब्याकसे निर्देशक निड जुं खवप दे व यिछुन नगरया दश्वी मैत्रीपूर्ण स्वापुतय्ता थःपुं सकारात्मक दःगु खाँ काडः दिल ।

जनगणतन्त्र चीनया चियाड्सी प्रान्तया यिछुन नगर चीनया दक्षिण भागया प्राकृतिक स्रोत साधनं जःगु नगरया खाँ कुलदिसे क्वागु नाः या प्राकृतिक स्रोत दःगु नपां च्वनय्ता ज्या सानय्ता तस्कं बांलागु बाताबरण दःगु थाय् खः धायोदिल नपां जडिबुटी, चिया, थी थी तरकारी सयकेगु थाय् काथं यिछुन नगरया म्हासिइका पिब्वसे वयकलं देशादेष्टी थासय् वानिगु खुगु रेलमार्ग व हिपु राजमार्गया लाँपु श्वहे नगरय् लागु खाँ नं काडः दिल ।

कृषि, उद्योग, पर्यटन व सांस्कृतिक लागाय् खवप दे व यिछुन नगरया दश्वी प्राविधिक ग्वाहाली काल बिल याय् फँगु खाँ न्हँ थांसेस वयकलं खवपया वा या प्रविधिया खाँ काल बिलयाय्ता थःपुं इच्छुक दःगु खाँ काडः दिल ।

सच्छिव स्वीडागुगु खवप पौ, बःखि पौ(पाक्षिक)

नपालायुगु इवल्यु यिछुन नगरपालिका चियाड्सी प्रान्तया जनप्रतिनिधिसभा स्थायी समितिया निर्देशक ली निडः नपां जनप्रतिनिधि सभा स्थायी समितिया महा सचिव पाओ छु यान फडछुन नगरया नगर जनप्रतिनिधि सभा स्थायी समितिया दुजः निर्देशक चड चाओसीन चाडसु नगर जनप्रतिनिधिसभा स्थायी समितिया दुजः निर्देशक फु या होड फडसिन काउण्टी जनसरकार प्रमुख यु च्यून, चियाड्सी प्रान्तीय छुन नगरपालिका जन अस्पताल डागगु तहया कर्मचारी छा ओ शड शड लगायत पुं उपस्थित जुयो द्यूगु जुल ।

उब्ले खवप नगरपालिकापाखं उप प्रमुख रजनी जोशी,

प्रमुख प्रशासकीय अधिकृत वसन्त भट्टराई वडाध्यक्षपुं रविन्द्र ज्याख्व (९), श्यामकृष्ण खत्री (९) हरिप्रसाद बासुकला (२) चिनिया भाय हिलामी राजेन्द्र चवाल, पर्यटन सूचना केन्द्रया प्रमुख गौतमप्रसाद लासिवा पुं नं भःगु खः ।

प्रतिनिधिमण्डलं विश्व सम्पदाया धलः ख्यु नां जःगु खवपया लायकु तःमाही खवप इञ्जिनियरिड कलेज नं स्वयो द्यूगु खः ।

नगर प्रमुख प्रजापति जुं 'सच्छिदा लिपाया खवपदे' साफु नपां खवप नगरपालिकाया पिथनात व लोक ह्वागु म्हवयखा इयो उपहार काथं लः ल्हाडः दिल ।

थीथी देया ल्यासे ल्याम्होया पुचः खवपय्

जेठ १५ गते



थीथी देया ल्यासे ल्याम्होया पुचः मंगलबार सांस्कृतिक नगरी खवप दे चाह्यू भःगु जुल । उगु पुचः ता खवप नगरपालिकाया प्रमुख सुनिल प्रजापति जुं कन्हेया दे ल्यासे ल्याम्हो पिनिगु लाहातय लाइगुलिं अपुं अध्ययनशील, उर्जाशील जूसा जक कन्हे देया खवः चकानी धायोदिल ।

ल्यासे ल्याम्हो धायुगु अमिगु वैसं मखु अमिगु बिचः व न्हूँ न्हूँगु ह्युपाया लागिं चिन्तन मनन याडः संघर्ष अमिता ल्याम्हो धायुक तैगु खः धायो दिसे वयकलं क्वह्यंगु बिचः तैपुं व ह्युपाता पानिपुं, अथे हः जुडुपुं ल्यासे ल्याम्हो धायु मफैगु खाँ ब्याकः दिल । नेपः दे अः गणतन्त्रात्मक राज्य व्यवस्था छ्यलः च्वंगू खाँ व्याकसे राजतन्त्र लिफ्यडः ह्युगु खाँ ल्हाडुपुं प्रतिगामी खः

वयकलं धायोदिल ।

खवप नगरपालिकां शिक्षा, स्वास्थ्य, सम्पदा ल्यंकः स्वाकः तयगु जनमुखी ज्यात कुलादिसे प्रमुख प्रजापति जुं खवप दे देया दकलय् चिच्याक्वगु नगरपालिका जूसां ऐतिहासिक व सांस्कृतिक अलय पुरातात्विक महत्वं जःगु तस्कं महत्त्वपूर्ण नगरपालिका खः धायोदिल ।

अथेहे उपप्रमुख रजनी जोशी खवपया बः चा हाकलं म्हासिडका पिब्वसे खवप नगरपालिकां सम्पदा ल्यंकः स्वाकः तयता साडः च्वंगु ज्याया प्रस्तुति क्यडः दिल ।

प्रतिनिधि पुचःया पाखं डा. छिरिडलामां खवपदेशं यागु क्वातुगु व लुमुगु माया यागु लसकुसता सुभाय देछासे खवप नगरपालिकां याडः च्वंगु कला, संस्कृति व सम्पदा ल्हवनय कानय ज्या तस्कं च्वछाय बहजु धायोदिल ।

प्रतिनिधिमण्डलया न्ह्यलुवा जेम्स रोजर खःसा वागमती प्रदेशया पूर्व स्वास्थ्य मन्त्री निमा लामा नं उगु पुचलय भःगु खः । चाह्यू भःपुं अमेरिका, अष्ट्रिया, सिंगापुर, इरान, स्पेन, टर्की, जर्जिया, जर्मनी, कोलम्बिया, चीन, इजिप्ट, भियतनाम, पेरू बेलायत, स्वीटजरल्याण्ड, स्लोभाकिया व नेपःया ल्यासे ल्याम्होपुं भःगु खः ।

निरीक्षण

खवप नगरपालिका वडा नं. १० वडा कार्यालय नपांया लॉ जुयो देकोचाय् लायँ स्वाइगु लॉपु ठलान ज्या निरीक्षण याडः दिसे खवप नगरपालिकाया प्रमुख सुनिल प्रजापति जु ।



न्हायँ, न्ह्युप, घाँटी व वाँया शिविर

जेठ १५ गते

खप नगरपालिका वडा नं. ८ या गवसालय न्हायँ, न्ह्युप, घाँटी अलय वाँया शिविर न्ह्याकल । उगु ज्या इवःसं खप नगरपालिकाया प्रमुख सुनिल प्रजापति जुं, स्वास्थ्य तस्कं संवेदनशील विषय जुगुलिं नपां स्वास्थ्य उपचार अपलं खर्च तुइगु जुगुलिं स्वस्थ जीवन शैली छ्यलय मःगु खाँ ब्याकसे थःगु समूदायया सूचुकुचुता हृदाय तयमःगु खाँ नपां स्वस्थ नागरिक जूसा समाजया नितिं नं विशेष ग्वाहाली याय् फै धायोदिल ।

खप नगरपालिकां स्वास्थ्य शिविर याय्ता बः यायां वयो च्वंगु खाँ ब्याकसे वयकलं खपया जनताता स्वास्थ्य सुविधा वियता खप अस्पताल चाय्कागु खाँ नं काडः दिल ।

वडा नं. ८ या वडाध्यक्ष कृष्ण प्रसाद कोजुं खप नगरपालिकां धेबा म्वायकः जाँचय याय्ता स्वास्थ्य शिविर ततं वगु नपां वडाया नियमित ज्या इवः ख्यु ब्वति काय्ता इनाप याडः दिल ।

डा. धर्मलक्ष्मी बास्तुकलां इलय-व्यलय स्वास्थ्य जाँच



याकय्गुबानी दयमःगु खाँ ब्याकसे स्वस्थ अलय जिवं फय्क-चवनय्ता स्वस्थ जीवन शैली छ्यलयमः धायो दिल ।

शिविरय् वडाया दुजः सुमित्रा बोहजू व स्वास्थ्य स्वयमसेविका पुष्पा लुँ बञ्जारं नं न्वचु तयो द्यगु खः ।

तालिम



Khwopa College of Law या गवसालय जूगु Capacity Development training on Developing interpersonal Relationships and Engaging Team Program या तालिमया ज्या इवः २०८१ जेष्ठ १२ गते क्वचाल ।



अथेहे खप नगरपालिकापाखं चाय्कः तःगु खप मा.वि. शारदा मा.वि. या गवसालय Student Social Emotional Learning विषयया छन्ह्या प्रशिक्षण ज्या इवः नं जेठ १२ गते क्वचाल ।

**खप नगरपालिकाता न्ह्याबले सफा,
सुगधर तय्गु सकल नगरवासीतय्गु कर्तव्य खः ।**

विश्व विद्यालय दसिपौ ईगु थाय जुयमज्यु

जेठ २२ गते

विश्व विद्यालय अनुदान आयोगया ग्वाहाली व खवप कलेजया ग्वासालय 'अ वर्कशप अन आर- स्टुडियो प्रोगाम' या उलेज्या खवप नगरपालिकाया प्रमुख नपां कलेज सञ्चालक समितिया नायो सुनिल प्रजापति जुं याडः दिसे विश्वविद्यालय दसिपौ इड बिडगु थायजक जुय मज्युगु खाँ ब्याकसे विश्वविद्यालय गुणास्तरीय शिक्षा नपां सीप स्यनिगु थाय जुयमः धायो दिल ।



विश्वविद्यालय अनुसन्धान केन्द्र जुय मःगु खाँ ब्याकसे वयकलं गुगु देश अनुसन्धानय हन्युला उगु देश हज्यागु खाँ काड दिसे अनुसन्धानता बःयाडः हज्यागु चीनं सन २०२० य् गरिबी उन्मूलन जूगु क्वः छिय फता अलय चीन याकचां हलिमयया २५ प्रतिशत विद्युत, ३३ प्रतिशत कार, ६० प्रतिशत सिमेन्ट, ४० प्रतिशत समुद्री जहाज, १३ प्रतिशत लुँ, १७ प्रतिशत न्ह्यबसा पिकाय फता धायोदिल नपां चीनया विदेशी मुद्रा सञ्चिती हलिमय दकलय अपः ३.१२ डलर थ्यन धायोदिल ।

सन १९७० या दशकय् चीनं विकास यागु हाइब्रिड वा पुसां यागु उत्पादनं हलिमयया फुक्कसिया घ्वासा जूगु अनुसन्धानया लिचवः खः धायो दिसे प्रमुख प्रजापति जुं खवप नगरपालिकां

अनुसन्धान केन्द्र पलिस्था यायगु कुतः याडः चवंगु खाँ ब्याकसे खवप नगरपालिकापाखं चाय्क तःगु कलेजत अनुसन्धान केन्द्र काथं हछ्याय् मः धायो दिल ।

वयकलं नेपालता विदेशं दय्कः बिड दक उब्लें हे मति तय मज्यु मेपिसं मयासां भीसं याय्मः मेपिनिगु आशायाड चवनय्गु बानी त्वः तय् मः । अलय् छन्हू छाय् मजुई धाय्गु आशाया मता च्याकः तय्गु ज्या भीगु कलेजं याय् मः । थुगु ज्याखय् शिक्षक कर्मचारीपिसं निःस्वार्थ सेवा याय्मः धायोदिसे न्ह्यलुवा बांलासा संस्था बांलाइगु धः थें देया न्ह्यलुवा शासक पार्टीं त इमानदार व योग्य जूसा म्हवचा इलय् हे अपलं हज्याय् फौगु दसु हलिमयया समाजवादी देश खः धायो दिल ।

संस्थाय् अनुशासन दयमःगु, मरुसा अखयला थखयला मदैगुलिं थुगु खाय् न्ह्यलुवापुं न्ह्याब्लें सचेत जुयमः धायो दिल । त्रि.विद्या शैक्षिक गुणास्तर क्व म्हूयो वांगुलि राजनैतिक खिचातानि खः थुकिया दोषी सरकारय् वापुं पार्टीत खः धायोदिसे वयकलं शिक्षा क्षेत्र स्यनकिं मेगू लाग्ना नं भतभुड्ग जुड्गु खाँ काडः दिल ।

यें जक ५० गू स्वयो अपः विदेशया सम्बन्धनय् चाय्क तःगु कलेजय् नीद्व स्वयो अपः ब्वनामिपुं ब्वडः चवंगु खाँ ब्याकसे वयकलं थुकी त्रिभूवन विश्व विद्यालयया पदाधिकारी पिसं बिचः याडः ल्यासे ल्याम्होपुं विदेशय् मवांकय्ता ई काथंया कोर्स दय्कः भिंगु शिक्षा बियमः अलय् ब्वनामिपिनिगु इच्छा काथंया विषय ब्वंकः च्वपिन्ता थप कोटा मब्यगुलिं बियमः धायो दिल ।

खवप कलेजया प्राचार्य प्रकाश कुमार श्रेष्ठ अनुसन्धानता बः बियगु खाँ काडः दिलसा उपप्राचार्य डा. राजेश कुमार श्रेष्ठ, एम.ए. अर्थशास्त्र इन्वार्ज रूपक खड्कां नं न्वचु तगु ज्या इवः सं शड्कर कुमार श्रेष्ठ, विकास श्रेष्ठ स्रोत ब्यक्तिजगु तालिम २२ निसं २५ गते तक न्ह्याई ।

निरीक्षण

जेठ ३१ गते

खवप नगरपालिका वडा नं. ६ देकोचाय् दय्क चवंगु अरनिको सभा भवनया पीपीसी ढलान निरीक्षण खवप नगरपालिकाया प्रमुख सुनिल प्रजापति आनाहे भायो स्वयो दिल । उगु अरनिको सभाभवन खवप नगरपालिकाया बजेट दयक चवंगु खः ।



आ.व.२०८१/८२ या बजेट दय्केता कृषकपिन्के राय काल

जेठ २२ गते

खवप नगरपालिका प्रमुख सुनिल प्रजापतिया नायो सुई खवप नगरपालिकां आ.व. २०८१/८२ या नीति व ज्या इवः व बजेट दय्केता कृषक प्रतिनिधिपिन्के राय सल्लाह मुनय्गु इवल्य प्रमुख प्रजापति जुं थुगु मुंज्यां तस्कं बांवालागु सुभावात वगु खाँ ब्याकसे नगरपालिकां नगरबासी पिनिगु भिं याय्ता मःगु नीतित दय्केता नगरवासी पिन्के राय सुभावा काय्गु ज्या न्ह्याक वयागु खः धायोदिल ।

छलफल्य वगु सुभावा मध्ये हदाय तय् मःगु सुभावात हदाय तयो योजना दय्केगु खाँ ब्याकसे वयकलं खवप नगरपालिकां कृषकपिन्ता तालिम, पुसात इडः वियगु नपां प्राविधिक ग्वाहालीख्य नं बः याडः वगु दः धायो दिल ।

खवप नगरपालिकां कृषिख्य याडः वगु थी थी ज्या इवःत कुल दिसे प्रमुख प्रजापति जुं कृषकपिनिगु लागिं बाली स्वास्थ उपचार शिविर व चा जाँचय् याकेगु शिविर तय्ता बः याडः वयागु खाँ काडः दिल ।

प्रमुख प्रशासकीय अधिकृत वसन्त भट्टराइ जुं आ.व. २०८१/८२ या नीति व ज्याइवः बजेट दय्केता थी थी विषयल्य १०/१० म्हा नगरवासीपुं मुंकः सुभावा कायो जनमुखी बजेट दय्केता बः याडः वयागु खाँ काडः दिल ।

ज्या इवः ख्य भःपुं कृषक प्रतिनिधिपिसं कृषक पिन्ता



कृषि ऋण, नगरकोटया लॉय् जवं खवं फः दय्के मःगु, खवप नगरपालिकां दयक वगु चिस्यान केन्द्र मथां दय्के मःगु, कृषिख्य बजेट अपः तय् मःगु, नेपाली सः छयलय्गु लि अभिमुखीकरण याय् मःगु, नाः छँ ल्यंकः तय् मःगु, कृषि चुन ई काथं इडः बियमःगु, इडः बिड्गु पुसाया गुणास्तर सिड्केमःगु, तरकारी बजारया व्यवस्था स्थापन, आधुनिक पशु वधशाला दय्के मःगु, विषादी म्हवचा छय्यकेगु खायँ कृषकपिन्ता वडागत तालिम बिय मःगु थजगु सुभावात वगु खः । उगु ज्या इवः सं वडा नं. ९ या वडाध्यक्ष रविन्द्र ज्याखवं नं न्वचु तयो द्यगु खः ।

बजेट दय्केता राय-सुभावा मून्य् ज्याः

जेठ २३ गते



खवप नगरपालिकाया आर्थिक वर्ष २०८१/८२ या नीति व ज्या नपां वजेट दय्केता बुधबार खवप नगरपालिकाया प्रमुख सुनिल प्रजापतिया नायो सुई खवपया महिला प्रतिनिधि

पिन्के राय-सुभावा मुनय्ता नगरया छगू वडां १०/१० म्हा मिसात मुंकल ।

ज्या इवःसं प्रमुख प्रजापति जुं मुंज्यां वगु राय सुभावां नगरता उथिग्यंकः विकास याय्ता ग्वाहाली जुड्गु नपां महिला तय्गु नितिं न्हँ न्हँगु ज्या इवःत ह्यगु तातुडः नगरपालिकां ज्या साडः चवंगु खाँ ब्याकसे खवप नगरपालिका मेगू नगरपालिका स्वयो पागु विस्कं पहः ज्वडः हज्याड चवंगु नगरबासी ल्यासेल्याम्हो पिनिगु लागिं युवा उद्यमशीलता ऋण बियगु ज्या इवः हछयाय् धुंगु खाँ काडः दिल । खवप नगरपालिकां शिक्षाया लागाय् न्हँगु कुतः यासेलिं खवपया मिसातनं साक्षर व शिक्षित जुय फःगु खाँ ब्याकसे वयकलं छिकपिनिगु बांलागु सुभावां खवप दे देया डालकाय बहगु नगर दय्के फौगु खाँ काडः दिल ।

अथेहे उप-प्रमुख रजनी जोशीं खवप नगरपालिकां

सच्छिव स्वीडागुगु खवप पौ. बःखि पौ(पाक्षिक)

समाजवादी नीति डालः जनमुखी ज्या इवः हछ्याड खवप देता शिक्षाया मू थाय् दय्क समाजता सामाजिक, राजनीतिक, आर्थिक लागां हछ्याय्गु तातुड ज्या साडः चवडागु खाँ काडः दिल ।

महिला बालबालिका व समाज कल्याण समितिया कजि रोशन मैयाँ सुवालं थुगु समितिं युवा व महिलातय्ता सतय् मःगु जीवनपयोगी तालिमत बियो नगरबासीपिनिगु जीवनस्तर चवजाय्केगु ज्या याडः वगु खाँ काडः दिल ।

ज्या इवः खय् भायो द्यूपुं महिला प्रतिनिधि पिसं खवप नगरपालिकां बियो वगु लाहातय ज्या दैगु तालिमया ज्या जुयो च्वंगु दः मरु स्वः भायो ज्या विय मःगु, मिसातय्ता मानसिक स्वास्थ्यया सल्लाहत, महिला उद्यमशीलताया तालिम मचाछँया क्यान्सरया विरुद्धया एच. पि. भि. खोपया व्यवस्था याय् मःगु, ग्याँस भुथु व वासिड मेसिन लहवनय्गु तालिम बियमःगु, त्वनय्गु नाः उथिंग्यंक छ्वयो हय मःगु, फुक्क वडाय् आदर निकेतनया दिवा सेवा चायके मःगु, मः पिन्ता उद्यमशीलता ऋण बिय मःगु, वडावडाय् च्वंगु व्यायाम शाला नपां थेरापी मेसिन नं तयमःगु सुभावा बियो दिल ।

वहे इवलय् ज्याइवः तयमःगुया खाँ वडा नं ९ या वडाध्यक्ष रबिन्द्र ज्याखवः नं काडः दिल ।

अथेहे जेठ २४ गते खवप नगरपालिकाया आ.व. २०८१/८२ या नीति व ज्या इवः नपां बजेट दय्केता मजदुर पिन्के राय- सुभावा काय्गु इवलय् न्वचु तयो दिसे खवप नगरपालिकाया प्रमुख सुनिल प्रजापति जुं स्थानीय तहं असार १० गते तक खय् बजेट दय्केमःगु कानुनी प्रावधान दगुलिं पालं पः स्वापु दःपुं सःत मः काथं राय सुभावा कायो वयागु खाँ ब्याकसे समाजवादी देशं सय्कः ज्यासाडः वयागु नपां



थःगु हक हित ल्यंकः तय्ता मजदुर पुं थःहे सचते जुयो छप्पा छधि जुयमः धायोदिल ।

ज्या इवः सं भःपुं मजदुर पिसं अनलाइन नक्सा दर्ता याय्ता बजेट छखय् लिइके मःगु, खुगु निसं च्यागु तगिंतकया ब्वनामिपिन्ता स्काउटय मचवंसे मगागु नीति दय्के मः ग, मजदुर पिनिगु नितिं सामाजिक सुरक्षा कोष दय्के मःगु, मिं न्वइगु क्षति म्हवचा याय्ता सुरक्षा व्यवस्थाया तालिम बिय मःगु, मार्बल व टाइल सियगु तालिम बियमःगु, आवास लागाय् हेभी सवारी साधन महय्के मःगु, विकास निर्माणया ज्याखय स्थानीय ज्यामितय्ता हदाय तय मःगु, पर्यटन व्यवसाय नपां स्वापु दःगु तालिम बिय मःगु पेशा ब्यवसाय सूचिकृत याय् मःगु सल्लाह - सुभावा ब्यगु खः ।

उगु ज्या इवःसं खवप नगरपालिकाया उप-प्रमुख रजनी जोशी, प्रमुख प्रशासकीय अधिकृत वसन्त भट्टराई, वडा नं ४ या वडाध्यक्ष उपेन्द्र सुवालं नं न्वचु तयो द्यूगु खः ।

अथेहे जेठ २५ गते शुक्रबार ल्यासे ल्याम्हो, ब्वनामिपुं, शिक्षकपुं मुंकः आ.व. २०८१/८२ या लागि नीति वा ज्याइवः बजेट दय्केता राय-सुभावा काय्गु ज्या इवः सं खवप नगरपालिकाया प्रमुख सुनिल प्रजापतिं खवप नगरपालिकां ल्यासे ल्याम्हो व मिसा तय्ता ज्या दैगु अपलं ज्या इवः त न्ह्याकः वयागु खाँ ब्यासे नगरबासी पिनिगु राय-सुभावाता हदाय तयो थुगु आ.व. खय् बजेट दय्केगु खाँ ब्याकसे शिक्षाखय् छ्यलागु लाय खं थौं खवप दे शिक्षाया गन्तव्य स्थल जूगु खः धायो दिल ।



ज्या इवः खय् भःपुं ल्यासे ल्याम्हो ब्वनामिपुं व शिक्षक पिसं नगर दुनयया लायं च्याकिगु मत्ता इलय ब्यलय् लहवनय् मःगु, सांस्कृतिक नगरी खवप देशय् सांस्कृतिक ऐकेडेमी चाय्के मःगु, भक्तपुर औद्योगिक क्षेत्र चिइकेतगु कुतः याय मःगु, त्वनय्गु नाः उथिं ग्यंक इडःबिय मःगु, पाइप लाइन व नगरकोट सडकय् धः ब्यवस्थापन याय् मःगु, नगरया थाय् थासय् पार्किङ क्षेत्र, फोहर वाय्गु थाय् दय्के मःगु घोषणा

सच्छिव स्वीडागुगु खवप पौ. ब.खि पौ(पाक्षिक)

पत्रखय् न्हि थाडः तः काथं स्विमिड पुल दय्के मःगु, महेश्वरी कासा ख्यः बांलाकय् मःगु, त्वाल्य -त्वाल्यया टिम क्लव व साफूकुथित सक्रिय यय् मःगु कासाया लागाय् स्यनिपुं प्रशिक्षकत व्यवस्था यय् मःगु, विद्यालय ब्यवस्थापनया खाय् प्र.अ.पिन्ता तालिम बिय मःगु, ब्वनय्कुथि परिणाममुखी अनुगमन व निरीक्षण यय् मःगु, खवपको पहिचान ब्वंकय्ता

स्वयम सेवक शिक्षकत व्यवस्थायय् मःगु, कानुन विषय गुगु व हिगु तगिंखय् ऐच्छिक विषयकाथं तय मःगु राय सुभावात ब्यगु खः ।

ज्या इवः सं उप प्रमुख रजनी जोशी, प्रमुख प्रशासकीय अधिकृत वसन्त भट्टराई, वडा नं १ या वडाध्यक्ष श्याम कृष्ण खत्री नं न्वचु तयो द्यगु खः ।

आन्तरिक पर्यटन प्रवर्द्धन यय् मःगु

जेठ २७ गते



खवप नगरपालिका प्रमुख सुनिल प्रजापति जू याता नपालाडः भक्तपुर च्यम्बर्स अफ कमर्स व भक्तपुर उद्योग वाणिज्य संघया प्रतिनिधिपिसं खवपया आर्थिक, पर्यटन, सामाजिक विकासया लागिं बजेट दय्केता मःगु प्रस्ताव तयो ध्यानाकर्षण पौ लः ल्हाडः दिल । उकिया लागिं सुभाय देछायो दिसे नगरप्रमुख प्रजापति जुं कोभिडं याडः गालय लः वानय धुंगु पर्यटन व्यवसाय बांलाक खवलं चुइकेता देशं दुनयया आन्तरिक पर्यटनत दुकाय मःगु खाँ ब्याकसे पिनयायपुं पर्यटकपुं मवइगु इलय् आन्तरिक पर्यटनं गथे टेवा काय फै धाय्गु काथं खवप नगरपालिकां ज्या साडः च्वंगु दः धायो दिल ।

नगरबासीपिनिगु दुग्यंगु सुभावा काथं हे खवप नगरपालिकाया अः यय्गु बजेट दय्केगु खाँ ब्याकसे वयकलं खवप दे थौ या अवस्थाय्तक ह्यता थानाया शिक्षाविद, उद्योगी व्यवसायी, किसान, मजदुर, ल्यासे ल्याम्होपुं, ब्वनामिपुं नपां सकलसिया ग्वाहाली थ्यंगु खाँ कुल दिसे खवप दे थःगु तुतिखय्

दानय् फय्केता हज्याडः च्वंगु नपां विदेशीया ग्वाहाली स्वयो अपलं थः थाय् च्वंगु स्रोत साधनत छ्यलः स्थानीय जनताया ग्वाहाली विकास जूगु खाँ काडः दिल ।

बजेटया निंतिं भक्तपुर च्यम्बर्स अफ कमर्सया नायो कविदास श्रेष्ठ जुं खवप नगरपालिकाय् दर्ता जूपुं व्यवसायी पिन्ता व्यवसायिक शिक्षा, सचेतना तालिम कायमःगु,

स्थानीय राजश्व परामर्श समिति, आर्थिक विषयया समिति चेम्बरपाखं प्रतिनिधित्व याकय् मःगु, नगरपालिकाय यागु व्यवसाय दर्ताता फुक्क थासं मान्यता बिडके मःगु घुम्ती ब्यापारीत बन्दयाय् मःगु नगरपालिकाया दुनय्या उद्योगया म्हासिडका व ल्यंकः म्वाकः तयता विवरण मुनय्गु पुस्तिका पिथना नपां वेभपोर्टल दय्के मःगु, नगरपालिकाय नियमित व्यवसाय कर पुलः व पिन्ता अःपुक म्हवचा ब्याजं ऋण (त्याय्) विय मःगु सुभावा ब्यगु खः ।

अथेहे भक्तपुर उद्योग वाणिज्य संघया नकीं रोशनी मैयाँ धौबन्जं व्यवसायिक कृषि विकास नपां प्रवर्द्धन पिनय् छवय्गु निर्यातमुखी हस्तकला प्रवर्द्धन व तातुइगु पर्यटन विकास व स्वास्थ्य लागाय् खवप नगरपालिका नपां मंकः ज्या यायता तयार दःगु खाँ ब्याकसे वैगु आ.व. २०८१/८२ या बजेटय् भक्तपुर अन्तर्राष्ट्रिय ब्यापार मेला, काष्ठकला तालिम व भक्तपुर पर्यटन विकासया लागिं डिजिटल प्लेट फर्म दय्के ता मः काथं बजेट छखय् लिडकेता इनाप याडः दिल ।

पपर डम्फोय् सूचुकुचु

जेठ २३ गते



जुन ५ विश्व वातावरण दिवसया लसताय खवप नगरपालिकाया गवसालय वडा नं ५ ल्योसिंख्यः थिइकः च्वंगु पपर डम्फो व पसिखेल तरकारी बजारया चाकलीं सुचुकुचु यासे सिमाचा पियगु ज्या नगरपालिकाया जनप्रतिनिधि, कर्मचारी व स्थानीय जनतात मिलय् जुयो यागु जुल ।

उगु ज्या इवःसं खवप नगरपालिकाया प्रमुख सुनिल प्रजापति जुं २०७४ सालया निर्वाचनं त्याकः वय धुंक वहाली जूसां निसे लच्छिया १ गते व १५ गते बछिया छक नगरया थीथी थासय् सुचुकुचु व सिमाचा पियगु ज्या याडः वगुलि नगरबासी पिसं गवाहाली याडः वगु खाँ ब्याकसे सम्पदाया थासय् सुचुकुचुयाय्गु ज्या सकल नगरबासीपनिगु दायित्व खः धायोदिल ।

वयकलं देया राजनीतिक वातावरण बांलासा जक फुक्क थाय् ब्यवस्थित जुइगु खाँ ब्याकसे नागरिकपिसं सामाजिक दायित्व

कः घाड थःगु थाय् वाउँसे बांलाक तय फःसा स्वास्थ्य नं बांलाइ धायोदिल ।

अथेहे उप प्रमुख रजनी जोशी सुचुकुचुया ज्या छम्हासिया लागिंजक मखु समुदायता भिं जुइगु काथं याय् मःगु, फोहरता मोहरखय् हिलय् फःगु खाँ ब्याकसे खवप नगरपालिकाया सुचुकुचु ज्या इवः खं थौं खवप देया बांलागु व स्वय हायँ पुगु थाय् जूगु खाँ ब्याकसे थव नगरवासी पनिगु गवाहालीं तः लाकय् फःगु खः धायो दिल ।

ज्या इवः या सभाया नायो नपां वातावरण समितिया कजि, खवप नगरपालिका वडानं ५ या वडाध्यक्ष रविन्द्र ज्याखवं खवप नगरपालिकां छगू ब्वनयकुथिता छथाय् सम्पदाया सुचुकुचु, छगू सहकारीता छथाय् सम्पदाया सुचुकुचु अभियान हज्याकः सकलसिता सुचुकुचु याय् मःगु खाँ ब्याक वयागु खः धायोदिल ।

खवप नगरपालिका वडा नं ५ या वडाध्यक्ष योगेन्द्र मान बिजुकुछं जुं सुचुकुचु ज्या इवखय् भःपुं सकलसिता सुभाय देछः से थःगु थासय् थमनं हे सुचुकुचु याय्गु अभियान न्ह्याकः चाकलीया लकसता बांलाक तय्ता सकलसिता थःथःगु थासं गवाहाली याय्मः धायो दिल ।

ज्या इवः सं वडा नं. ५ या वडाया दुजः नारायणप्रसाद त्वानाबासु नं न्वचु तयो द्यगु खःसा उगु थासय् धुपी (सिमाचा स्वं) कपुर, कल्की (छाकी स्वं) पारिजात, क्वकाचा स्वं (काकिचा नं धः/कांगियो) थजगु ६५ मा सिमाचात खवप नगरपालिकाया गवसालय पियगु खः ।

नेपाली सःदयकेगु व छ्यलय्गु क्यूवा पाखं सय्के मःगु

जेठ २४ गते

खवप नगरपालिका प्रमुख सुनिल प्रजापति जुं जैविक मल दय्केगु छ्यलय्गु ज्या नेपालं क्यूवापाखं सय्के मः धायोदिसे खवप नगरपालिकाया गवसालय नेपाली (कम्पोष्ट) सः तय्गु खाँय किसानतय्ता अभिमुखीकरण ज्या इवःलय उगु खाँ न्हिथासे क्यूवाता अमेरिकी साम्राज्यवादी तय्सं नाकाबन्दी याडः दुःख ब्यूगु इलय् आना जैविक खेती याडः कृषि खय् थःगु तृतिखय् दानय् फःगु खाँ काडः दिल ।

वयकलं धवगिइगु फोहर मुडः नेपाली सः दय्कः दांकः किसान तय्ता मियोवयागु खाँ ब्याकसे चाया गुण बल्लाकय्ता



सच्छिव स्वीडागुगु खवप पौ. ब.छि पौ(पाक्षिक)

नेपाली सः तय्मः धायो दिसे नेमकिपां भ्नीगुदेश्य हे देसि सः कारखाना तय्मः धाधां वगु खाँ कुलदिसे थानाया कारखाना दःगु जूसा इलय् हे सः तय्खाडः बुँ अपलं अन्न सडगु गुकिं ब्यापारघाटा म्हर्वं जुडु धायोदिल ।

बजेटय् कृषिता हृदाय मतःगु खाँ काडः दिसे वयकलं देया अर्थतन्त्र कमजोर जूगुया मू हूनि कृषिता मस्वसें देया अर्थतन्त्र गथे बलाई धायो दिल । नगर सभासद गोविन्द दुवालं ज्यापु ज्यामिया समस्या ज्यंसा जक देया समस्या ज्यनिगु खाँ ब्याकसे

विदेशीया भिं जुडुगु स्वडपुं न्ह्यागु हे पार्टीया कार्यकर्ता नेता जुसां अपुं जनताया शत्रु खः धायोदिल ।

खवप नगरपालिका कृषि सीतिया कजि राजकृष्ण गोरया सभानायोलय् जूगु उगु ज्या इवः सं कम्पोष्ट मलया प्राविधिक रमिता तमखुं खवप नगरपालिकां गथे नेपाली सः दय्किगु अलय् बुईं गथे सः हवलय्गु धाय्गु प्रस्तुतीकरण क्यडः दिल । उगु ज्या इवःसं कृषक पिसं नेपाली सः गथे छ्यलय्गु धाय्गु थी थी न्ह्यसः त तयो द्यगु खः ।

खवप इञ्जिनियरिङ्गय् छात्रवृति

जेठ २५ गते

खवप नगरपालिकां चाय्कः तःगु खवप इञ्जिनियरिङ्ग कलेजय प्रवेश परीक्षाय् च्वजःपुं व गरिब व जेहेन्दार ब्वनामिपिन्ता कलेजया हल्य् खवप नगरपालिकाया प्रमुख नपां कलेज व्यवस्थापन समितिया नायो सुनिल प्रजापति जुं कलेजय् ब्वडःच्वंपुं ८६ म्हा ब्वनामिपिन्ता ५४ लाख ७६ हजार क्वतिया छात्रवृति लः ल्हाडः दिल ।

नं प्राविधिक क्षेत्रता नं बः यायां थीथी विषय त नं ताडः यंकगु खाँ कुल दिसे खवप नगरपालिकां अपलं छात्रवृति वियो वगु गुकी देयालागिं मःगु थीथी विषयया जनशक्ति ब्वलांकय्गु तातुडः भूगोल, इतिहास, संस्कृति, नेपालभाषा, अर्थशास्त्र, दर्शनशास्त्र थजगु अपलं विषयता न्ह्यागुहे कलेजय् विश्वविद्यालय ब्वंसां विद्यावारिधितक छात्रवृतिया व्यवस्था याडः वयागु खाँ काडः दिल ।



खवप नगरपालिका वडा नं ९ या वडाध्यक्ष नपां कलेज व्यवस्थापन समितिया दुज रविन्द्र ज्याख्वं खवप नगरपालिका पाखं चाय्कगु कलेजया तातुना नपां इतिहास काडः दिसे छात्रवृति कायो ब्वंपुं ब्वनामिपिसं समाज व देशया लागिं समर्पित जुयो ज्या सानय मः धायो दिलसा ब्वनामिपिन्ता व्यूगु छात्रवृति सुविधा मखु च्वजायक ब्वनयता कलेजपाखं यागु ग्वाहाली ताय्कः कलेजया ब्वनामिपिनि अभिभावक पिन्ता नं थूगु खाँ कानय्ता अभिभावक

वयकलं खवप नगरपालिकां शैक्षिक ऋण इडः बिसे गरिब परिवारता च्वः जाय्क शिक्षा बियगु ब्यवस्था यागु देयाः न्हपांगु नगरपालिका खवप नगरपालिका खः धायोदिसे खवप नगरपालिकां चायकः तःगु कलेज तय्सं इञ्जिनियरिङ्ग, विज्ञान, व्यवस्थापन, मानविकी थजगु थी थी विषयलय् स्नातकोत्तर तर्गितक शिक्षा बियो वयो च्वंगु नपां खवप विश्व विद्यालय चाय्केतानं मदिसें कुतः याडः च्वंगु खाँ ब्याक दिल ।

छुनं देया प्राविधिक लागा बांलासा आनाया विकास निर्माणया ज्या त नं व्यवस्थित काथं हज्याइगुलिं खवप नगरपालिकां

पिन्ता नं सतागु खाँ काडः दिल ।

खवप इञ्जिनियरिङ्ग कलेजया प्राचार्य ई. सुजन माकं इलेक्ट्रोनिक्स एण्ड कम्प्युनिकेशया महत्व काँ कां अमिता ग्वाहाली काथं, मन च्वजायकेता छात्रवृति वियागु नपां धेबा मदयो च्वय थ्यंकया शिक्षा काय मफूपिन्ता अवसर काथं वियागु खाँ काडः दिल ।

उगु ज्या इवः सं कलेजया उपप्राचार्य डा. सुवेगमान विजुक्छें व लेखा शाखा प्रमुख काजी बहादुर पञ्चं नं न्वचु तयो द्यगु खः ।

वार्षिक साधारण सभा

जेठ २८ गते

श्री एकान्त कुमारी साँस्कृतिक खलः या २८ कगु वार्षिक साधारण सभा नपां १० कगु अधिवेशन व बाँसुरी बाजा पिदानयगु ज्या इवः नपां हनापौ लः ल्हायगु ज्या २०८१ जेठ २६ गते शनिवार जुल ।

थाय् छयल्य् फःसा थःगु देशय् हे अपलं आम्वानी याय् फैगु नपां थःगु म्हासिइका पिब्वय् फैगु लिं सीप व कला थःगु देशय् हे छयलय्ता ध्वाय्मः धायो दिल ।

खवप नगरपालिका वडा नं. ५ या वडाध्यक्ष योगेन्द्रमान

बिजुक्छें जुं मानव विकास व मानव सभ्यताया म्हासिइका हे संस्कृति खः धायो दिसे संस्कृति ब्वनिपुं व अनुसन्धान याइपुं दयो वगु खाँ काडः दिल । मूर्त व अमूर्त सम्पदात ल्यंकः म्वाकः तय्ता सकलें हज्याय् मःगु नपां संस्कृति न्हँगू पुस्ताता लः ल्हाल्हां वगुलिं लयता प्वंकः दिल ।

ज्या इवःसं खलः या नायो कृष्ण राम माकया सभा नायो लय् जगु उगु ज्या इवःसं खलःया सल्लाहकार चिनिया लाल माक, प्रशिक्षण समितिया कजि बिष्णु प्रसाद कर्माचार्य प्रशिक्षार्थी सुशिला न्याइच्याई व

पाहाँ प्रतिनिधि चण्डेश्वरी धिमे पुचःया दां भारी विक्रम धुकुछुं नं न्वचु तयो द्यगु खः ।

ज्या इवःसं स्थानीय वडाया न्हयलुवा गुरुपुं राधा माक, आशा काजी माक, आशाकाजी खाइजु व रामकृष्ण चिकं बञ्जार पिन्ता हानय् ज्या नपां बाँसुरी पिदानयगु ज्या तक क्वचाय्केता आर्थिक, भौतिक व नैतिक ग्वाहाली याडः द्यपुं सकलसिता हना पौ लः ल्हाडः ब्यगु खः ।

बन्द सत्रय् छ्याञ्जे नारायण कृष्ण माक, दांभारी सीताराम माकं पिब्वगु वार्षिक प्रगति प्रतिवेदन पारित यागु जुल । भेलां राधेश्याम माकया नायोलय १५ म्हा सिया न्हँगू ज्यासना पुचः निःस्वांगु जुल ।



ज्या इवःसं खवप नगरपालिकाया प्रमुख सुनिल प्रजापति जुं खवप दे या म्हासिइका पिब्वयो च्वंगु मूर्त अमूर्त सम्पदात ल्यंकः म्वाकः तय् फःगुलिं हे खवप दे हलिमय सम्पदा व संस्कृतिया नमूना सहर जुय फःगु खाँ ब्याकसे अपलं पर्यटकपुं द्रहँ व सेलिं अमिपाखं वगु सेवा शुल्कं सम्पदा ल्हवनय् कानय् याय् अःपुगु नपां थजगु सम्पदाया म्हासिइका व ल्यंकः म्वाकः तय्केता स्थानीय पाठ्यक्रमय् खवपको पहिचान ब्वंकय् बियानिं ग्वाहाली जगु खाँ काडः दिल ।

शौ कन्हे न्हँगू पुस्ताकय् चेतनां ग्वाडः वगुलिं इलय् ब्यलय् थजगु ज्या इवः त याडः वानय् मगु खाँ ब्याकसे वयकलं कला व सीपता फुक्क थासय् उलिहे हानिगुलिं कला व सीप खः

दमकलया सामानत लः ल्हात

जेठ २८ गते

खवप नगरपालिकाया वडा नं १ य् च्वंगु जुद्ध बारुण यन्त्र कार्यालय भक्तपुरता वारुणयन्त्रय् स्वाइगु 1.5"/4" Hose pipe (pipe/ Rolly Pes 30 meter) प्यपु मिं न्वइबल छयलिगु सामानत खवप नगरपालिकाया प्रमुख सुनिल प्रजापति जुं छगु ज्या इवः ग्वस ग्वयो जुद्ध वारुण यन्त्र कार्यालय भक्तपुरया कार्यालय प्रमुख अनिल सुवेदीता लः ल्हाडः दिल ।

ज्या इवः सं नगर प्रमुख प्रजापति जुं विपदया तःगु

घटना मध्ये मिन्वइगु नं तस्कं ग्यापुगु गम्भिर व चुनौतिपूर्ण जुगुलि जुयफःगु दुर्घटनाता विच याडः इलयहे विचः याय फःसा म्ह्वचा जक नोक्सान जुइगु खाँ काडः दिल ।

वयकलं मि न्वइबलय् स्यायगु सामान दःसेलिं विपदया इलय् उद्वारया ज्या मथां बांलाक याय फैगु गुकिं मानवीय अलय् भौतिक क्षति पानय् फै धायोदिल ।

प्रमुख प्रशासकीय अधिकृत वसन्त भट्टराईजुं दमकलया बांलागु व्यवस्थापन व छ्यला तस्कं महत्व दैगु खाँ ब्याकसे, ज्या

सच्छिव स्वीडागूगु खवप पौ. ब.खि पौ(पाक्षिक)

भःदः सां धात्थे खय्कः व्यवस्थापन व थथेहे याय् धाइपुं जनशक्ति मरुसा मतिमतया काथंया क्षति फय मालिगुलिं सचेत जुयमः धायोदिल ।

जुद्ध वारुण यन्त्र कार्यालय भक्तपुरया कार्यालय प्रमुख अनिल सुवेदी दमकल (आकस्मिक) अकाभुकां मिं न्वइबलय् छ्यलिगु संवेदनशील यन्त्र खः धायोदिसे घटना जू थाय् इलय् हे दमकल थयंकय् फःसा अपलं नोक्सान मजुइगु खाँ काडः दिल ।

उगु ज्या इवःसं खवप नगरपालिका विपद व्यवस्थापन समितिया पदाधिकारीपुं व खवप नगरपालिकाया शाखा प्रमुखपुं नं भःगु खः ।



पर्यटन नपां स्वापु दःपुं मुंकल

जेठ २८ गते

खवप नगरपालिकाया आ.व. २०८१/८२ या नीति व ज्या इवः नपां बजेट दय्केता सोमवार खवपया पर्यटन लागा नपां स्वापु दःपुं उद्योग व्यवसायीत मुंकः खवप नगरपालिकाया प्रमुख सुनिल प्रजापति जुं पर्यटन व्यवसाय च्व जाय्केता देशं पिनय् व देशं दुनयया पर्यटक पिनिगु तहांगू लाहा दैगु खाँ ब्याकसे देया धात्थे खय्क विकास याय्ता देशं दुनय्या पर्यटकपुं वयके मः धायोदिल ।

पर्यटन व्यवसायं फुक्क उद्योग व्यवसायपिन्ता भिं जुइगु नीतिकथं खवप नगरपालिकां ज्या साडः वगु खाँ ब्याकसे वयकलं नगरबासी पिनिगु (रचनात्मक) ग्यसुलागु सुभावा व सल्लाहं नगरता अजतं व्यवस्थित व बांलागु नगरकाथं हछ्याय् फैगु खाँ काडः दिल ।



ज्या इवः खय् भ्नायो द्यपुं उद्योग व्यवसायी पिसं पुलांगु तिसा वस ल्यंकः तयो प्रचार याय् मःगु, खवपय् वइपुं पर्यटक

पिन्ता ता ई थाना तय्गु नीति हय् मःगु, पर्यटन शुल्क भाचा अपः काय मःगु, पर्यटकीय स्थलया चाकलीं पार्किङ्ग व्यवस्थापन, कर सड्कलन प्रविधि मैत्री याडः करया घचा तः चका याय् मःगु, उत्कृष्णा उद्योगी हानय्ज्या, दाफा भजन व बाजा ल्हवनय्गु ज्याया तालिम न्हुंगु पुस्ताता बियमःगु, सार्वजनिक शौचालय व्यवस्थित याय मःगु, गल्ली खिचात थासय लाकय्गु ज्या याय मःगु, तःमाही दतात्रय चच्छि न्हिच्छी हे सवारी साधन हय्के बियमज्यूगु, जुजु धौ बांलागु भिंगु खःमखु स्वय्ता अनुगमन याय् मःगु, खवपया फल्चा व डबली स्थानीय सड्गीत भजन कला, कौसल प्याखंत फःसा न्हिं न्हिं व मखुसा वालं छन्हू जूसां क्यडः खवप देता म्वाकः तयमःगु, खवपय् नाप-तौल कार्यालय चाय्के मःगु, किराना व नसा ज्वलंया व्यवसायीपिन्ता स्थानीय थासं हे अनुज्ञापत्र वा प्वः चियगु (प्याकिजिड्ग) अनुमति पत्र बियगु व्यवस्था याय् मःगु, परम्परागत घरेलु उद्योगता निःशुल्क दर्ता याकय्गु व्यवस्था दय मःगु थजगु सुभावात ब्यगु खः ।

ज्या इवः सं खवप नगरपालिकाया उप प्रमुख रजनी जोशी, प्रमुख प्रशासकीय अधिकृत वसन्त भट्टराई, वडा नं ७ या वडाध्यक्ष उकेश कवां नं न्वचु तयो द्यगु खःसा भक्तपुर पर्यटन विकास समिति, भक्तपुर घरेलु तथा साना उद्योग संघ, पर्यटन व्यवसायी, भक्तपुर साङ्गीतिक समाज, भक्तपुर जुजु धौ व्यवसायी संघ, जुजु धौ व्यवसायी भक्तपुर मनि एक्सचेन्ज, होटल व्यवसायी, भक्तपुर खाद्य किराना पसल संघ, रेडिमेड व्यापार संघ, चाया भाला छिइपुं, होटल एसोसियसन अफ भक्तपुर, घरेलु व्यवसायी सुनचाँदी व्यवसायी संघ, भक्तपुर खाद्य व्यवसायी, सौन्दर्य कला व्यवसायी, चिउरा व्यवसायी, हस्तकला व्यवसायीपुं भःगु खः ।

लाँजुव पिन्ता तालिम

जेठ २२ जते

खवप नगरपालिकाया प्रमुख सुनिल प्रजापति जुं लाँजुवपुं स्थानीय दूतथें जुडगुलिं खःगु तथ्यपूर्ण खाँत काडः देशं दुनय व देशं पिनय् खवपया धात्थेंगु म्हासिडका पिब्वयता प्रचारप्रसार याय्मः धायोदिल । उगु खाँ खवप नगरपालिकाया ग्वसालय जूगु भक्तपुर स्थानीय पथप्रदर्शक पुनर्ताजगी तालिमय् न्वचु तयो दिसे वयकलं अन्तर्राष्ट्रिय पर्यटन उलि विश्वास याय् मफैगु खाँ कुलदिसे छुं घटना जूल धःसा उकिया तप्यंक लिचवः अन्तर्राष्ट्रिय पर्यटनय लाइगुलिं देशं दुनय् व जलाखाला देया पर्यटकता महत्व बियो हज्यायमः धायो दिल ।



नेपः दे प्राकृतिक व सांस्कृतिक सम्पदां जःगु थाय् जूगुलिं पर्यटनया विकास थुकिया लिधंसाय् याय् मःगु गुकिं देया आर्थिक विकासता ग्वाहाली जुडगुलिं लाँजुव पिसं थुगु खाँ थुडके मः धायो दिसे वयकलं पर्यटन विकास याय्ता मः काथंया पूर्वाधार दय्केगु

व अः पुक वियगुलि सरकार गुब्लें हे तः मलागुलिं थःगु तुतिखय् दानय् फैगु काथं हज्याय मः धायोदिल ।

पर्यटन उद्योगया बाँमलागु ज्यात म्हवैयायां हज्याय मःगु नपां संसारया दयकल अप्व पर्यटन विकास जूगु देया खाँ काडः दिसे वयकलं लाँजुवपिसं अन्तर्राष्ट्रिय राजनीतिक अवस्था व घटनात थुडक अजगु खाँत ब्वडः चवनय् मःगुलि बः बियो दिल ।

ज्या इवःया सभाया नायो वडा नं. ९ या वडाध्यक्ष नपां वातावरण समितिया कजि रविन्द्र ज्याख्वं ज्याइवया तातुना काडः दिसे लाँजुव पिसं छप्वा म्हुतुंथें सत्यतथ्य खाँ कानय् मः, मखुगु खाँ खं बाँमलागु लिचवः लाइ धायो दिल ।

वडा नं. ५ या वडाध्यक्ष योगेन्द्र मान विजुकुं जुं लसकुस न्वचु तयो दिसे स्थानीय पाठ्यक्रमपाखं न्हँगुपुस्ताता खवपया इतिहास, संस्कृति व जीवनशैली थुडके बियता अः पुगु खाँ काडः दिल ।

नेपाल पर्यटन व होटेल ब्यवस्थापन प्रतिष्ठानया पूर्व प्रमुख कृष्ण खरेल व खवप नगरपालिका पर्यटन सूचना केन्द्रया प्रमुख गौतम प्रसाद लासिवं ब्यवसायिकता मार्गदर्शन व सांस्कृतिक नगर खवप या म्हासिडका पिब्वयो दिल ।

उगु ज्या इवः सं भक्तपुर पर्यटन विकास समितिया नायो दिपेश राज शर्मा व भक्तपुर नगरपालिका पर्यटन समितिया पदाधिकारीपुं नं भःगु खः ।

नवीन आधारभूत ब्वनयकुथिया ज्या इवः

खवप नगरपालिकाया प्रमुख सुनिल प्रजापति जुं सामुदायिक व संस्थागत ब्वनयकुथिया दशवी शैक्षिक गुणस्तरय् उथिं ग्यंकय्ता खवप नगरपालिकां मदिवक बः याड वगु खाँ काडः दिल । उगु खाँ नवीन आधारभूत विद्यालय २०८१ सालया न्हँपुं ब्वनामिपुं भर्ना जूव पिन्ता लसकुस, आधारभूत तगिं ब्वनय् धुँ पिन्ता बिदाइ व सिरपा लः ल्हाय्गु नपां सांस्कृतिक ज्या इवः सं न्वचु तयो द्यूगु खः ।

वयकलं ब्वनामिपिसं किताबी ज्ञान नपां ब्यावहारिक ज्ञान सय्क आधारभूत तगिं निसें जग बल्लाक यंकय् मःगु नपां थःकय् दःगु सीप क्यं क्यं अतिरिक्त क्रियाकलापय् नं ब्वति काय् मः धायो दिल ।


वडा नं ७ या वडाध्यक्ष उकेश कवां नं ब्वनामिपुं अनुशासन व ई या महत्व थुडकः मेहनतयासा तः लाई गु खाँ

काडः दिल ।

ब्वनयकुथिया प्र.अ. प्रकाश गोसाई ई जुं २०८१ सालय नवीन ब्वनयकुथिसं ५५ म्हा न्हँपुं ब्वनामिपुं द्वहँवगु नपां ब्वनामिपिन्ता ब्यवहारिक व जीवनोपयोगी शिक्षा नं ब्यू ब्यू वयागु खाँ काडः दिल । नवीन स्कूलता स्थानीय समुदायं बांलागु मिखालं स्वयो ग्वाहाली याडः वगुलिं ब्वनयकुथि भन भन हज्याडः चवंगु खाँ काडः दिल ।

ज्या इवःसं शिक्षिका क्रिशाला मथ्यां लसकुस याडः द्यूगु खःसा शिक्षिका रशना गोसाई नं सुभाय दे छःगु खः । उगु ज्या इवःसं नगर प्रमुख प्रजापति जुं अवकाश जूयो द्यूम्हा शिक्षिका सानुमैयाँ कर्माचार्यता दोसल्ला ड्युकः विदाइ याडः द्यूगु खःसा मू पाहाँ, पाहाँपिसं २०८१ सं न्हँ भर्ना जू व पिन्ता लसकुस, आधारभूत तह क्वचः पिन्ता बिदाइ व सिरपा लः ल्हाडः द्यूगु खः ।

विश्व वातावरण दिवसया लसताय पपर डम्फवो वडा नं. ५ सं सुचुकुचु
नपां सिमाचा पियगु ज्या इवः (२०८१ जेठ २३ गते)



वडा नं. १० या लौं ढलान याथाय प्रमुख जु निरीक्षणय
(२०८१ जेठ १७ गते)



बागमती प्रदेशया संस्कृति, पर्यटन, नागरिक उड्डयन व
सहकारी मन्त्री बजाचार्य ख्वपय् (२०८१ जेठ १३ गते)



थी थी देशया ल्यासेल्याम्होपिनिगु पुचः ख्वपय्
(२०८१ जेठ १५ गते)

